

西南洋五印度沿革總叙

行海以指南鍼取向地球以渾儀辨方五印度地當震旦西南以中國偏東形勢格之爲丙午丁未方以地平二十四盤分之則在巽巳云唐以前西域貢道由葱嶺達玉關道雖迂迢而歷代取經求法之僧足與目謀圖畫指掌至宋天聖中防西夏鈔掠始改大食等國貢道由海達廣州自後習於航海之便於是自古西域西南近海之國概稱西南洋古時國名十亡其六元有天下吞并西域分封駙馬子弟爲王盡易國名以蒙古語而

古今沿革十亡其九明一統志稱自後魏至隋唐康居
安息二國地界相混豈知大秦與條支二國蜀賓與印
度各國尤混之混甚至宋史謂天竺以東之注輦國距
廣州四十一萬里天竺以東當與今滿刺加接壤在
緬甸暹羅之南距廣州不及萬里元
史征川哇謂以五千卒渡海二十五萬里征從古未至
之國史彌博考其方域距閩粵皆里不及萬至馬八爾國
在天方之西境較注輦爪哇稍遠亦計里不過萬餘而
元史謂自泉州至其國約十萬里皆無稽之說地周九
萬里自歐羅巴大西洋至中國幾于繞地半周為里亦

不過五六萬里烏有阿細亞洲之南洋近接西藏緬甸
動稱數十萬里者乎又甚者以元太祖至鐵門見角端
之地為東印度不知尚未入北印度也以西藏吐番之
地為古佛國中印度反以中印度之痕都斯坦為屬賓

西域圖志而不知印度河印度海至今尚存西南洋也以葱

嶺東西回部自昔皆回教無佛教不知自古皆佛教無
回教也六合以外存而不論八荒以外論而不議九州
以外議而不辨西南諸國近在九州以外尚非八荒之
外也烏得不論而烏得不議附印度沿革考 篇恒河

海國圖志卷一 考二篇天方天主教考各一篇

考三篇天方天主教考各一篇

考四篇天方天主教考各一篇

考五篇天方天主教考各一篇

考六篇天方天主教考各一篇

考七篇天方天主教考各一篇

考八篇天方天主教考各一篇

考九篇天方天主教考各一篇

考十篇天方天主教考各一篇

海國圖志目錄

印度沿革 原無今補

卷十七

五印度沿革總考

正史歷代使西域記

○附恒考二篇

卷十八

中印度沿革

今温都斯坦小白頭回國屬英夷職方外紀作莫臥爾

東印度沿革

今孟加臘屬英夷明史作榜葛刺

南印度沿革

今孟邁等埠西洋各國分據之海中錫蘭島附

西印度沿革

今包社大白頭回國及阿丹回國與英夷通和不為所屬。漢書曰安息條支

唐以後曰大食波斯拂
林明日天方默德那

北印度沿革

今克什彌爾國不屬英夷亦不屬中國
○克什彌爾漢屬賓其西境之愛烏罕

即漢月支亦北印度境也其北境之巴達克
山及博羅爾等非北印度境亦附錄備考

卷十九

北印度西北鄰部附錄

北印度以外疆域考二篇

元代征西域考二篇

葱嶺以東新疆回部附考二篇

海國圖志卷十七

西南洋

邵陽魏源輯

五印度沿革總考

原本無
今補輯

後漢書天竺國一名身毒在月氏之東南數千里俗與
月氏同而卑濕暑熱其國臨大水乘象而戰其人弱於
月氏修浮圖道不殺伐遂以成俗從月氏高附國以西
南至西海東至磐起國皆身毒之地身毒有別城數百
城置長別國數十國置王雖各小異而俱以身毒為名
其時皆屬月氏月氏殺其王而置將令統其人士出象

犀璫瑁金銀銅鐵鉛錫西與大秦通有大秦珍物又有
細布好毼毼諸香石蜜胡椒薑黑鹽和帝時數遣使貢
獻後西域反畔乃絕至桓帝延熹二年四年頻從日南
徼外來獻世傳明帝夢見金人長大頂有光明以問羣
臣或曰西方有神名曰佛其形長丈六尺而黃金色帝
於是遣使天竺問佛道法遂於中國圖畫形像焉楚王
英始信其術中國因此頗有奉其道者後桓帝好神數
祀浮圖老子百姓稍有奉者後遂轉盛

晉法顯佛國記法顯昔在長安慨律藏殘缺遂以
宏治二年己亥與慧景等往天竺尋求戒律初度

隴至乾歸國夏坐訖前行至傳檀國值張掖大亂
張掖王留作檀越復夏坐訖進燉煌沙河計千五
百里至鄯善國其國王奉法可有四千餘僧悉小
乘學從此西行所經諸國胡語國不同然出家
人皆習天竺書天竺語往此一月復西北行十五
日到僞夷國僧四千餘人皆小乘學法則齊整西
南行一月五日得至于闐國僧數萬人多大乘學
家家門前皆起小塔最小者可高二丈許其國十
四大僧伽藍不數小者有大乘寺三千僧共提提
食威儀齊肅器鉢無聲法顯欲觀行像停三月日
觀行像訖進向子合國在道二十五日國王精進
有千餘僧多大乘學住此十五日已於是南行四
日入葱嶺山到於摩國安居行二十五日到竭叉
國值其國王作五年大會四方沙門雲集其地山
寒不生餘穀惟熟麥耳有佛唾壺及佛齒塔國當
葱嶺之中從此北行向北天竺在道一月得度葱
嶺冬夏有雪又有毒龍度嶺已到北天竺始入其
境順嶺西南行十五日崖岸險絕石壁千仞下有

水名新頭河昔人鑿石通路及度七百傍梯已躡
懸繩過沙河兩岸相去減八十步漢之張騫甘英
皆不至也渡河便到烏婁國是正北天竺也盡作
中天竺語佛遺足跡及晒衣石從此東下五日到
捷陀衛國是阿育王子法益所治處從此南行四
日到佛樓沙國是膩迦王起塔處高四十餘丈閻
浮提塔唯此爲上佛鉢卽在此國月氏子十與兵
象迎鉢不夫西行十六由延至那竭國界供養佛
頂骨佛齒佛影佛錫杖佛僧伽梨有訶羅漢辟支
佛塔及千數住冬二月南度小雪山山北陰寒人
皆噤戰力前過嶺南到羅夷國又南下行十日到
跋那國各有三千許僧兼大小乘學從此東行三
日復渡新頭河兩岸皆平地過河有國名毗荼佛
法興盛僧衆萬數又經捕那河到摩頭羅國凡沙
河已西天竺諸國王皆篤信佛法供養衆僧從是
以南名中天竺一中天竺一國寒暑調和無霜雪無戶
籍官法惟耕王地者乃輸地利不用刑殺隨罪輕
重輸錢惡逆惟截右手國人悉不殺生不飲酒不

食葱蒜唯除旃荼羅獵師自渡新頭河至南天竺
迄于南海四五萬里皆平坦無大山川止有河水
從此南行十八由延有國名僧伽施佛在初利天
爲母說法下來處寶塔七級上覆精舍國內豐熟
雨澤以非東南行七由延到罽饒夷城城接恒水
度恒水南行三由延到阿梨林從此東南行十由
延到沙祇大國有四佛經論坐處起塔故在從此
南行八由延到揚薩羅國舍衛城卽波斯匿王所
治城也城內人民稀曠有二百餘家城南門外于
二百步卽祇洹精舍池流清淨林木蔚然有波斯
匿王所刻牛頭旃檀佛像佛住此處最久說法渡
人輕行坐處亦盡起塔城西五十里有迦葉佛舍
利塔從舍衛城東南行十二由延到迦羅衛城卽
白淨王故宮也城中甚荒只有衆僧民戶數十家
而已佛爲太子出家及得道還見父王處故蹟具
在各有塔表之國大空荒人民稀少道路怖畏白
象師子不可妄行復東行十七由延到揚夷那竭
城城北雙樹間希連河邊世尊般涅槃處城中人

民亦稀曠從此東行十七由延到毘舍離國城西北三里往昔國王于放弓仗處是為賢劫千佛後人起塔尚在從此東行四由延到五河合口阿難自般涅槃于河中央分身作二分各在一岸俾兩國王各得半身舍利起塔度河南下一由延到摩竭提國巴連弗邑是阿育王所治也諸天竺中唯此國城邑為大民人富盛年年以建卯月作行像四輪車高三丈許其狀如塔懸繪幡蓋四邊作龕皆有坐佛菩薩立侍可二十車並俗雲集香花伎樂供養國中長者居士各于城中立福德醫藥舍以施貪病城南三里阿育王最初所造塔從此東南行九由延到王舍新城新城是阿闍世王所造出城南四里南向入谷至五山裏五山周圍狀若城郭東南上十五里到耆闍崛山峯秀端麗是五山中最高有佛及諸羅漢弟子各坐禪石窟數百法顯感佛昔于此說首楞嚴因停一宿向耆闍經又西行五六里山北陰中有一石室是佛泥洹後五白阿羅漢結集經處從此西行四由

延到迦耶城城內亦空荒佛泥洹已來惟四大塔處佛法相承不絕四大塔者佛生處得道處轉法輪處般泥洹處從此南行三里到雞足山大迦葉今在此山中入定法顯還向巴連弗邑順恒水西行二十由延到迦尸國波羅奈城城東北十里有鹿野苑精舍是佛成道處欲西北往陽跋彌國而道路艱險竟不得往遂東行還到巴連弗邑法顯本求戒律而北天竺諸國皆師師口傳無本可寫是以遠步乃至中天竺得摩訶僧祇眾律佛在世時最初大眾所行也于祇洹精舍傳其本自餘八部各有師資大歸不異復得一部薩婆多眾律即此秦地眾僧所行者也住此三年學梵書梵語寫律遂順恒水東下十八由延其南岸有瞻波大國佛精舍經行處及四佛坐處悉起塔從此東行近五十由延到多摩梨鞞國即是海口其國佛法亦與法顯住此二年寫經及畫像於是載商人大舶汎海西南行晝夜十四日到師子國其國在大洲上東西五十由延南北三十由延左右小洲百

數皆統屬大洲多出珍寶佛至其國現神足降惡龍有青玉像高二丈許通身七寶右掌中一無價寶珠國中可五六萬僧常以三月出佛齒供養法顯住此國二年更求得沙彌塞律藏本復上大舶南還至青州長廣郡界法顯自發長安六年到中天竺停六年還三年達青州凡所游歷滅三十國

魏書南天竺國去代三萬一千五百里有伏醜城周匝十里城中出摩尼珠珊瑚城東三百里有拔賴城城中出黃金白真檀石密蒲萄土宜五穀世宗時其國王婆羅化遣使獻駿馬金銀自此每使朝貢又有疊伏羅國去代三萬里拔豆國去代五萬里皆出白象亦必天竺境但史未明言故不錄之

北魏僧惠生使西域記見洛陽魏神龜元年十一月冬太后遣崇立寺此正惠生

與敦煌人宋雲向西域取經月得百七十部皆是西疆也山無草木有鳥鼠同穴又西行二十三日至吐谷潭國又西行三千五百里至鄯善城又西行千六百四十里至左末城有呂光伐胡時所作佛菩薩像又西行千三百七十五里至末城又西行二十二里至捍摩城有于闐國供佛之塔其旁小塔數十懸幡萬計又西行八百七十八里至于闐國有國王所造覆盆浮圖一軀有辟支佛靴于今不爛于闐境東西三千餘里神龜二年七月二十九日入朱駒波國人民山居不立屠殺食自死肉風俗語言與于闐同文字與婆羅門同其國疆界西五日行徧八月入漢盤陀國界西行六日登葱嶺山復西行三日入鉢孟城三日入毒龍池為昔盤陀王以婆羅門咒咒之就徙葱嶺西去此地二千餘里自發葱嶺步步漸高如此四日乃得至

嶺依約中下實天半矣漢盤陀國正在山頂自慈嶺已西水皆西流國西海世人云是天地之中九月中旬入鉢和國高山深谷險道如常因山為壇壇服窟居人畜相依風雪勁切有大雪山望若王峯十月初旬入嚧達國居無城郭隨處水草不識文字年無盈閏用十二月為一歲受諸國貢獻南至牒羅北盡敕勒東被于闐西及波斯四十餘國皆來朝貢最為強大王帳周四十步器用七寶不信佛法殺生血食見使拜受詔書去京師二萬餘里十一月入波斯國境土甚狹七日行過在慈嶺中非魏書西海上之波斯國也人居山谷雪光耀日十一月月中旬入賒彌國漸出慈嶺磽确危峻人馬僅通鐵鎖懸度下不見底十二月初入烏場國北接慈嶺南連天竺土氣和暖原田膾膾民物殷阜國王菜食長齋晨夜禮佛日中已後始治國事鐘聲徧界異花供養聞魏使來膜拜受詔國中有如來晒衣履石之處其餘佛跡所至炳然每一佛跡輒有寺塔覆之比正戒行精苦至光元年四月中

旬入乾陀羅國土地與烏場國相似本名業波羅國為嚧達所滅遂立勅勒為王國中人民悉是婆羅門種崇佛經典而國王好殺不信佛法與罽賓爭境連年戰鬥師老民怨坐受詔書以慢無禮送使一寺供給甚薄西行三月至辛頭大河復西行十三日至佛沙伏城城郭端直林泉茂盛土饒珍寶風俗淳善各僧德泉道行高奇石像莊嚴通身金箔有迦葉佛跡復西行一日乘舟渡一深水三百餘步復西南行六十里至乾陀羅城有佛涅槃後二百年國王迦尼色迦所造雀離浮圖凡十二重去地七百尺基廣三百餘步悉用文石為陛塔內佛事千變萬化金盤晃朗寶鐸和鳴西域浮圖最為第一後西北行七日渡一大水至那迦羅訶國有佛頂骨牙髮袈裟錫杖山窟中有佛影佛跡有七佛手作浮圖及佛手書梵字石塔銘凡在烏場國二年至正光二年還闕

水經注河水篇釋氏西域記阿耨達太山其上有大淵水官殿樓觀甚大焉山即昆侖山也其山出

六大水山西有水名新頭河經罽賓健越摩訶刺諸國而入南海凡注中引法顯傳前阿耨山西南有水名遙奴山西南小東有水名薩罕小東有水名恒伽此三水同出一山俱入恒水康泰扶南傳曰恒水之源乃極西北出昆侖山中有五大源諸水分流皆由此五大源枝扈黎大江山西北流東南注大海枝扈黎即恒水也攷釋氏西域記恒曲之目恒北有四國最西頭恒曲中者是也有揚夷那揭國林揚國其水亂流注于恒恒水又東逕毘舍利城北去王舍城五十由旬恒水又東逕罽賓饒夷城城之西北六七里恒水北岸佛說法處恒水又東南逕迦維羅城北攸淨王宮也法維曰迦維衛國佛所生天竺國也天地之中央也恒水又東逕藍莫塔塔邊有池池中龍守護之恒水又東至五河口蓋五水所會也渡河南下一由旬到摩竭提國巴連林邑即阿育王所治之城凡諸國中惟此城為大居人富盛競行仁義恒水又東南逕小孤石山山頭有佛所坐石室恒水又西

逕王舍新城是阿闍世王所造又西逕迦那城南釋氏西域記曰尼連禪水南注恒水佛于此浴復順恒水西下到迦尸國波羅奈城法維曰波羅奈國在迦維羅衛國南千二百里中間有恒水東南流佛轉法輪處在城東北十里即鹿野苑法顯又曰恒水又東到多磨梨軒即是海口釋氏西域記大秦一名犂鞞康泰扶南傳曰從迦那調洲西南入大灣可七八百里乃到枝扈梨大江口渡江逕西行極大秦也又云發揚利口入大灣中正西北入可一年餘得天竺江口名恒水江口有國號擔袂屬天竺釋氏西域記曰恒水東流入東海蓋二水所注兩海所納自為東西也又曰葱嶺高千里河源潛發其嶺分為二水一水西徑循休國南又逕難兜國北又西逕罽賓國北又西逕月氏國南其俗與安息同又西逕安息國南城臨媯水地方數千里河水與蜺羅跋水同注雷翥海此葱嶺西流之水也釋氏西域記蜺羅跋水亦出阿耨達山之北西逕紇尸羅國四大塔北又西逕健

陀衛國北其水至
安息注雷翥海

新唐書天竺國漢身毒國也或曰摩伽陀曰婆羅門去
京師九千六百里都護治所二千八百里居蔥嶺南幅
圓三萬里分東西南北中五天竺皆城邑數百南天竺
瀕海出師子豹獐橐駝犀象火齊琅玕石密黑鹽北天
竺距雪山圍抱如壁南有谷通爲國門東天竺際海與
扶南林邑接西天竺與罽賓波斯接中天竺在四天竺
之會都城曰茶鏹和羅城濱迦毘黎河有別城數百皆
置長別國數十置王曰舍衛國曰迦沒路國開戶皆東

嚮中天竺王姓刹利氏世有其國不篡殺土溥熟稻歲
四熟禾之長者沒橐駝以貝齒爲貨有金剛旃檀鬱金
與大秦扶南交趾相貿易人富樂無簿籍耕王地者乃
輸稅以舐足摩踵爲致禮家有奇樂倡伎王大臣皆服
錦罽爲螺髻於項餘髮翦使卷男子穿耳垂璫或懸金
耳緩者爲上類徒跣衣重白婦人項飾金銀珠纓絡死
者燔骸取灰建宰堵或委野及河餌鳥獸魚鼈無喪紀
謀反者幽殺之小罪贖錢不孝者斷手足劓耳鼻徒于
邊有文字善步歷學悉曇章妄曰梵天法書貝多葉以

海國圖志卷十七西南洋
記事尚浮屠法不殺生飲酒國中處處指曰佛故迹也
信盟誓傳禁咒能致龍起雲雨隋煬帝時遣裴矩通西
域諸國獨天竺拂菻不至爲恨武德中國大亂王尸羅
逸多勒兵戰無前象不弛鞍士不釋甲因討四天竺皆
北而臣之會唐浮屠立焚至其國尸羅逸多召見曰而
國有聖人出作秦王破陣樂試爲我言其爲人立焚粗
言太宗神武平禍亂四夷賓服狀王喜貞觀十五年遣
使者上書帝命雲騎尉梁懷璫持節撫尸羅逸多驚
問國人自古亦摩訶震旦使者至吾國乎皆曰無有戎

言中國爲摩訶震旦乃出迎膜拜受詔書戴之頂復遣
使者隨入朝二十三年遣右衛率府長吏王立策使其
國以蔣師仁爲副未至尸羅逸多死國人亂其臣那伏
帝阿羅那順自立發兵拒立策時從騎纔數十戰不勝
皆沒遂剽諸國貢物立策挺身奔吐蕃西鄙檄召鄰國
兵吐蕃以兵千人來泥婆羅以七千騎來立策部分進
戰茶縛利羅城三日破之斬首三千級溺水死萬人阿
羅那順委國走合散兵復陣師仁禽之俘斬千計餘衆
奉王妻息阻乾陀衛江帥仁擊之大潰獲其犯王子虜

男女萬二千人雜畜三萬降城邑五百八十所東天竺
王尸鳩摩送牛馬三萬餽軍及弓刀寶纓絡迦沒路國
獻異物并上地圖請老子象立策執阿羅那順獻闕下
有司告宗廟立策朝散大夫得方士那羅邇娑婆寐自
言壽二百歲有不死術帝改館使治丹命兵部尙書崔
敦禮護視使者馳天下采怪藥異石後術不驗有詔聽
還不能去死長安高宗時盧伽逸多者東天竺烏茶人
以術進拜懷化大將軍乾封三年五天竺皆來朝開元
時中天竺北天竺各遣使者至南天竺亦獻五色能言

烏乞師討大食吐番丐名其軍立宗詔賜懷德軍摩
揭陀一曰摩伽陀本中天竺屬國環五十里土沃宜
稼穡有異稻巨粒號供大人米王居拘闍揭羅布羅城
北瀕菀伽河貞觀二十一年始遣使者自通于天子獻
波羅樹樹類白楊太宗遣使取熬糖法卽詔揚州上諸
蔗并瀋如其劑色味愈西域遠甚高宗又遣王立策至
其國摩訶菩提祠立碑焉後德宗自製鍾銘賜那爛陀
祠又有那揭者亦屬國也貞觀二十年遣使者貢方物
烏茶者一曰烏伏那亦曰烏萇直天竺南地廣五千里

東距勃律六百里西屬賓四百里山谷相屬產金鐵葡萄鬱金稻歲三熟人柔詐善禁架術國無殺刑抵死者放之窮山罪有疑飲以藥視洩清濁而決輕重有五城王居菁揭釐城東北有達麗羅川卽烏菴舊地貞觀十六年其王遣使者獻龍腦香璽書優答大食與烏菴東鄙接數誘之其王與骨咄俱位二王不肯臣開元中命使者冊爲王章揭拔國本西羌種居悉立西南四山中後徙山西與東天竺接衣服略相類因附之地袤八九百里勝兵二千人無城郭好鈔暴商旅患之貞觀二十

年其王因悉立國遣使入朝立策之討中天竺發兵來赴有功由是職貢不絕悉立當吐番西南戶五萬城邑多傍澗谿男子繒束頭衣氍毹婦人辮髮短裙昏姻不以財聘其穀宜秔稻麥豆死者葬于野不封樹喪制爲黑衣滿年而除刑有別鼻常羈屬吐番

唐元奘使西域記出高昌故地自近者始曰焉耆國國四面據山道險易守泉流交帶文字取則印度貨用金銀錢小銅錢伽藍十餘所習學小乘從此西南行九百餘里至龜茲國國東西千餘里南北六百餘里伽藍百餘所僧徒三千餘人習學小乘城北四十里臨河有二伽藍佛像莊飾殆越人工五年建一大會輦載行像動以千數道俗雲集供養從此西行六百餘里經小沙磧至姑墨國西

北行三百餘里度石磧至凌山山谷積雪春夏結水逾山四百餘里至大清地周千餘里東西長南北狹清地西北行五百餘里至素葉水城諸國商胡雜居素葉已西數十孤城城各立長然皆役屬突厥素葉西行四百餘里至于泉干泉者地方二百餘里南面雪山三垂平陸突厥可汗每來避暑西行百五十里至咀羅私城又西南行二百餘里至白水城西南南行二百餘里至恭御城從此南行四五十里至斂赤建國國周千餘里沃壤備稼穡盛花果多葡萄城邑百數城邑君長雖則畫野區分總稱斂赤建國從此西行二百餘里至藉馬國唐言石國也國周千餘里西臨葉河東西狹南北長土宜氣宇如赤建國城邑數十既無總主役屬突厥從此東南千餘里至怖捍國國周四千餘里膏腴多稼宜羊馬氣寒俗剛貌弊語異無大君長從此西行千餘里至率堵利瑟那國國周千四五百里東臨葉河葉河出葱嶺北原西北流浩汗謂急土宜風俗同石國自有王附突厥從此西北

入大沙磧望大山尋遺骨以知所指行五百餘里至颯秣建國唐言康國也國周千六七百里東西長南北峽地險而沃多善馬凡諸胡國此為其中寶貨所聚伎巧特工風俗猛烈兵馬強盛從此東南至彌秣賀國唐言米國也國周四五百里據川中東西狹南北長從此北至曹國又西行三百餘里至何國又西二百餘里至東安國又西四百餘里至中安國又西四百餘里至東安國又西南五百餘里至貨利習彌佈國又南南三百餘里至史國土言羯霜那國也凡米曹何史安諸國風俗并同康國自素葉水城至此地名率利人亦謂焉從史國西南行二百餘里入山崎嶇險絕又少水草東南山行三百餘里入鐵門鐵門者左右帶山狹徑險阻兩旁石壁其色如鐵門扉鐵錮以險得名出鐵門至覩貨羅國其地南北千餘里東西三千餘里東扼葱嶺西接波刺斯南距大雪山北據鐵門縛芻大河中境西流自數百年王族絕嗣酋豪各擅分為二十七國雖畫野區分總役屬突厥此

境已南冬春霖雨並多溫疾志怯貌陋不甚欺詐
字源二十五言書以橫讀自左而右文記漸多逾
廣率利順縛芻河北下流至咀密國又東至赤鄂
行那國忽露摩國愉漫國鑊河國珂咄羅國拘謎
陀國此皆自西而東拘謎陀國據大蔥嶺之中西
南隣縛芻河渡河至達摩悉鐵諸國鉢鐸創那國
淫薄健國屈浪孛國泗摩達羅國鉢利曷國訖栗
瑟摩國曷羅斯國阿利尼國曹健國自活國東南
至闍悉多國安咀羅縛國事在回記活國西南至
縛伽浪國又南至紇露悉壯建國又西北至忽憐
國又西至縛喝國乃觀賀羅國之王都也北臨縛
芻河人皆謂之小王舍城伽藍百餘所僧徒三千
餘人皆習小乘城外西南有親伽藍此國先王所
建莊嚴珍寶中有佛牙佛罐佛筭伽藍西南有一
精廬各僧所聚多證四果諸率堵波建立數百從
都城西南入雪山阿至銳秣陀國胡實健國咀刺
健國此國西接波刺斯國界南行百餘里至揭職
國以上諸小國數十並觀賀羅境內之部落東南

入大雪山山高谷深盛夏積雪山魅妖崇寇盜橫
行行六百餘里始出觀賀羅境至梵衍那國。源
案據此觀賀羅國之與北印度以大雪山為界北
以鐵門為界今巴達克山及博羅爾什克南及布
魯特等國地也鐵門屬賽馬爾罕今在敖罕南界
梵衍那國在雪山中東西二千餘里南北二百餘
里都城跨厓據谷少花果宜牧畜氣冽俗獷淳信
三寶特甚隣國東南行二百餘里度大雪山東至
小川澤有僧伽藍藏佛齒及劫初獨覺佛齒金輪
王齒羅漢鐵鉢從此東行出雪山踰黑嶺至迦畢
試國國周四千餘里北背雪山三垂黑嶺都城西
北距大雪山二百餘里出善馬鬱金香異方奇貨
所聚風氣同觀賀羅國王利利種也統十餘國敬
崇三寶王城西北大河南岸舊伽藍內有釋迦弱
齡亂齒有如來頂骨及髮率堵波中有舍利升餘
從此東行六百餘里越黑嶺入北印度境詳夫天
竺之稱或云身毒或云賢豆今從正音宜云印度
五印度境周九萬里迳三萬里三垂大海北背雪

山北廣南狹形如牛月畫野區分七十餘國北乃山阜隱軫東則川原膏沃南方暑濕西土磽确其文字梵天所製四十七言隨事轉用童蒙七歲以後漸學五明大論一聲明二巧明三醫方明四固明五內明其婆羅門學四毘陀論一壽二祠三平四術僧徒宣講佛經一部乃免僧知事二部加上房資具三部差侍者祇承四部給淨人役使五部則行乘象輿六部又導從周衛考其優劣黜陟幽明其義負者擯斥不齒族姓有四一婆羅門種二刹利王種三毘舍商賈種四首陀農種兵伍有四步馬車象刑罰有四水火稱毒種王田者六稅其一田稅所出大分爲四一充祭祀二供官祿三賞聰學四樹福田珍奇雜寶出自海隅易以求貨所用貿易金錢銀錢貝珠小珠印度風壤大畧斯在迦畢試國北印度之北境也所屬有濫波國氣序漸溫微霜無雪詐弱輕躁衣多白氎從此東南行百餘里踰大嶺濟大河至那揭羅曷國有如來影窟如來足跡如來浣衣石及錫杖頂骨凡諸聖蹟

多有靈異從此東南山谷中行五百餘里至健馱羅國東臨信度河溫暑無霜雪自昔無著菩薩世親菩薩勝尊者等所生處也迦膩色迦王所建率堵波基周里半高四百尺名聞諸國行五十里渡大河諸布色羯羅伐底城東西二百餘里至跋虜沙城又東南百五十里至烏鐸迦漢茶城南臨信度河至方寶貨多集于此復北踰山涉川六百餘里至烏仗那國國周六千餘里俗閑禁咒多學大乘有曹揭釐城如來在昔爲忍辱仙及爲菩薩修苦行舍身求偈舍身代鶴析骨寫經皆在此地從曹揭釐城東北踰山越谷逆上信度河行千餘里至達麗羅川卽烏仗那國舊都也復逾嶺越谷逆上信度河五百餘里至鉢露羅國周四千餘里在大雪山間東西長南北狹氣寒俗獷從此復還烏鐸迦漢茶城南渡信度河河廣三四里西南流澄清皎鏡度河至咀叉始羅國以上諸國並屬後畢試國皆北印度之北境北印度以迦濕彌羅國最大諸七國皆屬焉咀叉

始羅國舊屬迦畢試國近亦附庸于迦濕彌羅國
從此國東南越山谷七百餘里至僧訶補羅國國
周三千餘里西臨信度河都城險固氣序寒俗驍
猛無君長役屬迦濕彌羅國從此復還坦又始羅
國北界渡信度河東南行二百餘里度大石門復
東南山行五百餘里至烏刺尸國國周二千餘里
山阜連接田疇狹隘氣序溫和微有霜雪屬役迦
濕彌羅國僧習大乘法教從此東南履山險度鐵
橋行千餘里至迦濕彌羅國舊罽賓也國周七千
餘里四境負山門徑險隘自古隣敵無能攻伐城
西臨大河氣序寒勁多雪少風衣皆白艷容貌妍
美邪正皆信僧徒五千有如來沒一百年後無憂
王所建五百僧伽藍有如來四百年後伽膩色迦
王誥集五百羅漢作毗婆沙論之所從此西南踰
山涉險行七百餘里至半箴蹉國國周二千餘里
山川多疇隴狹氣溫暑俗勇烈無大君長屬役迦
濕彌羅國從此東南四百餘里至葛羅闍補羅國
國周四千餘里險固多山地利不豐人性驍勇役

屬迦濕彌羅國自濫彼國至此粗鄙獷暴非印度
之正境乃邊裔之曲俗從此東南下山渡水行七
百餘里至磔迦國國周萬餘里東據毘播奢河西
臨信度河風俗暴急衣服鮮白少信佛法多事天
神數百年前有大族王滅法逐僧其隣境摩揭陀
國幻日王雅敬佛法大族王治兵攻之幻日王不
忍門其民迷竄海島從者數萬人族王浮海往我
幻日王扼險誘戰伏兵四起生禽大族幻日王母
憐而赦之大族王北投迦濕彌羅國其國王封以
土邑久乃率其邑人殺迦濕彌羅王而自立西滅
健馱羅國毀廢塔寺千有六百以三億上族三億
中族臨信度河殺之三億下族分賜軍士尋即殂
落墮無間獄從此東行五百餘里至那美底國國
周二千餘里氣序溫暑風俗怯弱都城東南行五
百餘里有過去四佛座及經行遺蹟小宰堵波諸
大石室鱗次相望並是劫初以來諸果聖人於此
寂滅從此東西百四五十里至闍爛達羅國氣溫
俗剛貌鄙土富又東北踰嶺谷七百餘里至屈露

多國國周三千餘里鄰雪山多珍藥氣序逾寒霜
 雪微降人貌粗弊高尚勇猛巖多石室並羅漢仙
 人所止從此南行七百里越大山濟大河至設多
 圖盧國國周二千餘里西臨大河稼穡殷盛服用
 鮮綺氣暑俗和敦信佛法已上并北印度境
 從此西南行八百餘里至波理夜哩羅國始入中
 印度境國周三千餘里有稻六十日而獲多牛羊
 少花果氣暑熱俗剛猛不尚學藝信奉外道從此
 南行五百餘里至秣菟羅國國周五千餘里氣暑
 土沃崇德尚學過去四佛遺跡甚多諸聖弟遺身
 率堵波具在每歲三長及月六齋僧徒各隨所宗
 而致供養香雲花雨旛蓋虧蔽從此東北行五百
 餘里至薩他泥濕伐羅國國周七千餘里溫暑宜
 稼俗奢尚幻術逐利少農諸方奇貨所聚都城周
 二百里內土人謂為福地從此東北行四百餘里
 至率祿勤那國國周六千餘里東臨菟伽河北背
 大山閭牟那河中境而流有如來舍利瓜髮諸率
 堵波近世國王為諸外道所誣誤信受邪法揭廢

正見從閭牟那河東行八百餘里至菟伽河河源
 廣三四里東南流入海處廣十餘里彼土書記謂
 之福水渡河東岸至秣底補羅國國周六千餘里
 俗閑咒術兼信邪正王敬天神異道雜居從此北
 行三百餘里至婆羅吸摩補羅此一國又涉入北
 印度境據大山中周四千餘里此國境北大雪山
 中有國產上黃金東西長南北狹即東女國世以
 女為王東接土番國北接于闐國西接三波訶國
 從未底補羅東南行四百餘里至瞿昆霜那國復
 入中印度境國周二千餘里都城險峻俗淳好佛
 習學小乘如來在昔于此一月說諸法要從此東
 南行四百餘里至亞醯掣咀羅國國周三千餘里
 如來昔為龍王七日于此說法自此南行二百六
 七十里度菟伽河西南至毗羅刪拏國又東南行
 二百餘里至規比他國有如來自切利天降下寶
 階聖迹垣內靈異相繼從西北行二百里至曲女
 城國國周四千餘里都城西臨菟伽河異方奇貨
 所聚居人富樂僧徒萬有餘人先王為東印度設

賞迦王所害今戒曰王以弟嗣立誓報兄讎講習
戰士象軍五千馬軍二萬步軍五萬自西徂東征
伐不服象不解鞍人不釋甲於六年中據五印度
更增甲兵象軍六萬馬軍十萬垂三十年兵戈不
起今五印度不得啖肉若斷生命有誅無赦于苑
伽河側建立數千窣堵波各高百餘尺于五印度
建立精盧五歲一設無遮大會傾庫布施惟除兵
器聞大唐國沙門遠至問曰聞摩訶震旦有秦王
天子平定海內作秦王破陣樂誠有之乎元奘具
對大唐功德戒曰王將還曲女城設法會從數十
萬衆在河南岸拘摩羅王從數萬衆在河北岸分
河中流水陸並進二王導引四兵嚴衛經九十日
至曲女城諸國二十餘里皆來集會時仲春月也
王先于河西建大伽藍東起寶臺南起寶壇爲浴
佛像之處山行官至伽藍夾道爲閣雜樂迭奏王
于行宮出一金像載以大象張以寶幟戒曰王爲
帝釋左侍揚摩羅王爲梵王右侍各五百象軍披
鎧周衛王以真珠雜寶及金銀諸花隨步四散供

養三寶香水浴佛以諸寶衣數十百千而爲供養
乃至散日伽藍門樓忽然火起戒曰王深悟無常
從窣堵波方下階堊忽有異人持刃逆王左右執
訊之受外道之誘使爲刺客于是究問外道徒屬
有五百婆羅門嫉諸沙門蒙王供養乃火箭燒臺
雇人行刺王乃罰其首惡五百婆羅門出印度境
自此東南行六百餘里渡苑伽河南至阿踰陀國
國周五千里都城北臨苑伽河有世親無著菩薩
講堂及如來舍利諸蹟從此東行三百餘里渡苑
伽河北至阿耶穆佐國國周二千四五百里城東
南臨苑伽河有窣堵波如來昔于此處三月說法
從此東南行七百餘里渡苑伽河南闍牟那河北
至鉢羅那伽國國周五千餘里都城據兩河交土
地爽塏細沙彌漫號大施場今戒而王五年積財
一旦傾捨初第一日置大佛像衆室莊嚴卽持上
妙奇珍而以奉施次常住僧次現前衆次高才碩
學次外道學徒次鰥寡孤獨貧窮乞丐府庫旣傾
服玩都盡髻中明珠身諸瓔珞施無所悔自後諸

國君王各獻珍服常不逾旬府庫充馱從此西南行五百餘里至拘睢彌國國周六千餘里城西南有如來降毒龍石窟又東北大林中行七百餘里渡菟伽河復北行百七十八里至鞞索迦國國周四千餘里如來常昔于此地六年說法道樹猶在從此東北行五百餘里至室羅伐悉底國即舍衛國也即波斯匿王所治國都國周六千餘里城中有須達長者故宅城南五六里有祇陀林是給孤獨園凡如來經行之迹說法之處並樹旌表建窣堵波冥祇警衛靈瑞間起或鼓天樂或聞神香景福之祥難以備叙有三大深坑是諸外道及捏婆達多謗佛害佛生陷地獄之處又東南行五百餘里至迦毘羅衛國空城數十荒蕪已甚宮城內有故基淨飯王正殿也上建精舍中作王像有摩耶夫人寢殿城南門外有釋迦太子出家修行還家見父及至涅槃諸蹟自佛涅槃諸部異議或云于二百年或云千三百餘年或云千五百餘年或云已過九百或云未滿千年其入般涅槃日或云當

此三月十五或云當此九月八日復大林中行五百餘里至波羅奈國國周四千餘里城西臨菟伽河間閻櫛比居人殷盛寶貨充溢俗重強學多信外道有佛盥浴器浣衣三池並有龍護從此順菟伽河東行三百餘里至戰主國國周二千餘里城臨菟伽河渡河東北百五十里至毘舍離國國周五千餘里都城傾圮僧徒寡少異道雜居如來昔于此說維摩詰經有長者現疾說法之處域東南行百五十里有僧伽藍並學大乘此東北行五百餘里至弗栗恃國國周四千餘里西距河濱東西長南北狹土沃氣塞外道多于僧衆從此西北行千四五百里踰山入谷至尼波羅國國周四千餘里宜穀稼多花果出赤銅犂牛其命鳥貨用赤銅錢氣冽俗獷邪正兼信從此復還毘舍離國南渡菟伽河至摩竭陀國國周五千餘里土地濕熱邑居高原僧徒萬餘宗習大乘菟伽河南有故花官城惟存基址有石柱高數十尺是無憂王作地獄處又有所藏舍利王窣堵波及諸羅漢石室城西

南隅二百餘里有率堵波是過去四佛座及經行遺蹟之所又西南行二百里有大山雲石幽蔚是佛人定處又西南行四五十里渡泥連禪河至迦耶山溪谷杳冥峯巖危險印度國俗稱曰靈山前代之君莫不登封而告成功如來於此演說寶雲等經東渡大河至前正覺山如來於此入金剛定而成正覺其下有金剛座若坐餘處地輒震動山亦傾陷正門東闢對尼連禪河金剛座者刼初與大地俱起據三千大千世界之中下極金輪上侵地際金剛所成周百餘步賢劫千佛坐之而入金剛定大地地震動獨無傾搖今有菩提樹表其處自菩提樹南十餘里聖迹相隣難以備舉每歲苾芻解雨安居四方法浴七日七夜香華鼓樂徧遊林中禮拜供養菩提樹東度尼連禪河入大林野行百餘里至鷄足山峻起三峯是尊者大迦葉傳衣入定之所又有上茅宮城摩揭陀國之正中也崇山四周百五十餘里故城周三十餘里城東北十四五里至鷲峯即耆闍窟山也如來御世五十年

多居此山廣說妙法毘婆羅王自麓至峯編石為經廣十餘步長五六里中路有二小率堵波王至此下乘徒行以進精舍旁有大石是提婆達多遙擲擊佛處其南厓下佛說法華經處山西南陰昔五百溫泉今惟數十猶有冷有煖未盡温也南山之陰大竹林中有大石室如來涅槃後迦葉與一千大阿羅漢結集三藏處竹林精舍傍入功德水今亦枯涸西北行三二里至王舍城外郭已毀內基尚存周二千餘里毗婆羅王自上茆宮遷都于此此外伽藍最居福地為五印度之所宗仰從此東行入大山林中三百餘里至伊爛拏鉢伐多國國周三千餘里城北臨菟伽河從此順菟伽河南岸東行三百餘里至瞻波國國周四千餘里城北皆菟伽河自此東行四百餘里至羯米温祇羅國國周二千餘里又東渡菟伽河行六百餘里至奔那伐渾那國周四千餘里以上並皆中印度境自此東行九百餘里渡大河至迦摩縷波國始入東印度境國周萬餘里土地泉濕多果宜稼貌鰲

俗獷多事天神異道數萬故自佛興至今尙未建
立伽藍其有淨伶之徒潛念而已王本婆羅門種
雖不淳信佛法然敬高學沙門聞有支那國僧遠
至摩竭陀國殷勤來請元奘以宏法爲心遂與使
偕往陽摩羅王亦問秦王破陣之樂爲闡揚德化
王甚欣慕此國之東山阜連接無大國都其境接
西南夷計兩月行可入蜀西南境然險阻瘴毒行
旅裹足從此南行千二三百里至三摩呬吒國國
周三千餘里瀕海卑濕色黧性剛邪正兼信城外
有宰堵波如來昔爲諸天人于此說法七日從是
東北大海濱山谷中有室利差怛羅國次東南大
海隅有迦摩浪迦國次東有墮羅鉢底國次東有
伊賞補羅國次東有摩訶瞻波國卽林邑國也次
西南有閻摩那洲國凡此六國山川道阻不入其
境自三摩呬吒國西行九百餘里耽摩栗底國國
周千五百里瀕海卑濕水陸交會珍寶所聚殷富
強勇邪正兼信有過去佛蹟自此西北行七百餘
里至羯羅蘇伐刺那國國周四千五百里風俗如

前有如來說經法之處西南七百餘里至烏荼國
國周七千餘里容貌魁梧多信佛法僧徒萬餘習
學大乘諸宰堵波十餘所並是如來說法之處境
東南臨大海有城堅峻多諸奇貨城外鱗次有五
伽藍南去僧伽羅國二萬餘里靜夜遙望見彼國
佛牙宰堵波上寶珠光耀自此西南大林中行千
二百餘里至恭御陀國國周千餘里瀕海風俗勇
烈形偉貌黧崇敬外道城據山海地險兵強威雄
隣境從此西南入大荒野深林蔽日千五百里至
羯陵伽國已上並東印度
羯陵伽國始入南印度境國凡五千里林藪連綿
動數百里出大青象語言處同中印度僧多大乘
外道亦衆自此西北山林中千八百餘里至憍薩
羅國此國又中印度境王崇佛法作習大乘國西
南三百餘里有龍猛菩薩所住伽藍巖谷杳冥莫
知逕路從此大林中南行九百餘里至案達羅國
復入南印度境國周三千餘里如來昔于此城側
大伽藍說法度無量衆從此林野中南行千餘里

至大安達羅國城東西據山兩山皆有伽藍在正法時每歲千僧同入安居多證四果近則山神恐嚇行人聞無僧衆城南山乃清辨論師住脩羅宮待見慈氏成佛之所自此西南行千餘里至珠利耶國昔亦如來說法之所今則荒蕪多盜從此南入林野千五六百里至達羅貝奈國國周六千餘里聖蹟甚衆皆建窣堵波僧徒萬餘文字語言少異中印度自此南行三千餘里至枳秣羅國國周五千里海舶所聚人善逐利伽藍故址存者實少瀕海有秣刺耶山產龍腦香山東有布呬洛迦山山頂有池池側有石天宮觀自在菩薩往來遊舍從此山東北海畔有城是往南海僧伽羅國路從此入海東南可三千餘里至僧伽羅國唐言師子國亦南印度之境也國周七千餘里昔本寶渚羅刹居之前王僧伽刺治兵浮海而往誦咒奮武遂有其國其王即釋迦佛前生也風俗淳信僧徒二萬餘人王宮側有佛牙精舍高數百尺上置鉢曇摩羅伽大寶書夜遠望光若明星國東南隅有

楞伽山昔如來于此說楞伽經自達羅毘荼國北入林野中行二千餘里至恭建那補羅國國周五千餘里僧徒萬餘王宮城側大伽藍有三百僧實唯俊彥西北入大林野二千五百里至摩訶刺佉國國周六千餘里城西臨大河土沃氣溫形偉性傲有怨必復先輒告之各披堅甲然後爭鋒臨陣逐北不殺已降兵將失利無所刑罰賜之女服感激自死國養勇士數百暴象數百臨戰皆令酣飲以一摧萬前無堅敵今戒日王東征西伐惟此國不賓屢率五印度兵往伐奈克人知好學邪正兼崇僧五千人佛跡具在自此西行千餘里度耐秣陀河至跋祿羯婆國國周二千四百里鹹鹵暑熱土俗饒薄從此西北行二千餘里至摩臘婆國即南羅羅國也國周六千餘里城據莫訶河河東南五印度境兩國重學西南摩臘婆國東北摩羯陀國僧徒二萬餘多習小乘自此西北行二千四百里至阿吒釐國國周六千餘里商賈為業貴財賤德縱有信福但事天神從此西北行三百里至契吒

國國周三千餘里屬役摩臘羅國風俗遂同從此
北行千餘里至北羅羅國土產風俗並如摩臘羅
遠方奇貨多聚其國積財百億者至百餘室如來
在世屢游此國至今遺跡相間僧多小乘已上並
南印度

自此西北行七百餘里至阿難陀蒲羅國始入西
印度境國周二十餘里屬役摩臘婆國土宜風俗
如之西行五百餘里至蘇刺佗國國周四千餘里
西據莫醯河屬役北羅羅國地當西海孔道人皆
販海為業城外郁都多山有伽藍仙聖之所游止
從北羅羅國北行千八百餘里至瞿折羅國國周
五千餘里土宜風俗同前國俗崇外道王敬佛法
從此東南二千八百里至耶闍衍那國又東北行
千餘里至擲枳陀國二國並南印度境又北行九
百餘里至摩濕伐羅補羅國又涉入中印度境此
三國並宗外道少信佛法從此還至瞿折羅國復
北行荒野險磧千有九百里渡信度大河至信度
國西印度境也信度國周七千餘里宜五穀出金

銀鑰石宜牛羊獨峯馳產赤白黑鹽人剛烈質直
好鬥諍深信佛法僧徒萬餘多懈怠其有精勤哲
士閑寂山林多證聖果如來昔頗遊此國今有聖
蹟萃堵波數十所從此東行九百餘里渡信渡河
東岸至茂羅三部廬國國周四千餘里屬役喋迦
國饒沃質直多事天神從此東北行七百餘里至
鉢伐多國國周五千餘里役屬喋迦國城側大伽
藍僧借習大乘天祠二十異道雜居從信度國西
南行千五六百里至阿點婆翅羅國國周五千餘
里城臨信度河隣大海濱統屬信度國風騰勁烈
氣序微寒宜牛羊橐駝之屬人暴急不好學敬信
三寶有如來說法遺蹟從此西行二千里至狼揭
羅國東西南北各數千里無大君長據川自立役
屬波刺斯國臨大海濱入西女國之路也文字大
同印度語言少異邪正兼信伽藍天祠各百所自
此西北至波刺斯非印度之國也周數萬里氣序
亦溫出金銀鑰石頗瓶水精奇珍異寶大錦細褐
瓊瑜之類多善馬駱駝貨用大銀錢語言文字異

諸國俗躁暴無禮義工伎造作為隣國所重婚姻
 雜亂齊髮露頂天祠甚多僧徒數百王宮有釋迦
 佛鉢西北接拂憐國風土悉同拂憐國西南海島
 有西女國多諸珍寶附拂憐國國王歲遣丈夫往
 配焉此數國並非印度境自阿點婆翅羅國北行
 七百餘里至臂多勢羅國西印度境也國周三千
 餘里役屬信度國沙鹵寒勁獷暴不學惟信佛法
 從此東北行三百餘里至阿鞞茶國周二千五百
 百里役屬信度國氣寒性獷淳信三寶如來昔日
 止此夜寒三衣重覆至明旦開諸苾芻著復衲衣
 從此東北行九百餘里至代刺那國周四十餘里
 役屬迦畢試國風俗獷暴僧多大乘已上並西印
 度

此西北踰大山涉廣川歷小城邑二千餘里出
 印度境經歷歸途日漕利國地多霜雪敬佛重僧
 兼崇天祠頗能咒術療疾從此北行五百餘里至
 弗栗恃國國王突厥種深信三寶從此東北逾山
 涉川越畢迦試國邊城小邑凡數十所至大雪山

婆羅犀那大嶺鑿水而度三日至巔瞻部洲中斯
 嶺特高又三日下嶺至安咀羅縛國又四百里至
 潤悉多國又三百里至活國並觀賀羅國故地也
 並屬突厥活國管鐵門已南諸小國遷徙鳥居不
 常其邑從此東入葱嶺葱嶺者據瞻部洲中南接
 大雪山北至熱池干泉西至活國東至烏鐵國四
 面各數千里嶺厓數百重多出野葱又山崖葱翠
 遂以名焉東行百餘里至耆健國又北至阿利尼
 國曷羅胡國訖栗瑟摩國鉢利賀國呬摩達羅國
 鉢鐸制羅國王薄健國屈浪那國達摩悉諦國並
 觀賀羅國故地也並役屬突厥風氣土俗亦同諸
 國多帶縛芻河兩岸達摩悉鐵諦國東西千五百
 里南北廣四五里狹不踰一里臨縛芻河盤紆曲
 折寒風凄烈產馬耐馳陟俗獷貌陋服惟羶褐從
 此出觀賀羅境經尸棄尼國商彌國踰險越阻七
 百餘里至波密羅川東西千餘里南北百餘里狹
 處不踰十里據兩雪山間有大龍池東西三百餘
 里南北五十餘里據大蔥嶺內當瞻部洲中最高

色青黑味甘美池西派一大流至達摩悉鐵諦國東界與縛芻河合而西流也東派一大流東北至信沙國界與徙多河合而東流故此已右水皆西流已左水皆東流行五百餘里至竭盤陀國城基大石嶺背徙多河從此東下葱嶺行八百餘里方出葱嶺至烏鐵國役屬于竭盤陀東又五百餘里至疏勒國又東五百餘里至沮渠國又東八百餘里至于闐國

源案法顯惠生西邁並出于闐獨元裝之行良為可惑既至龜茲即可循天山而西逕疏勒上葱嶺矣乃又遶道凌山北出烏孫編游昭武九姓諸國而後南至罽賓何為耶夫凌山即水嶺也大清地即今伊犁西南之特穆圖泊也康曹何石史安米等九姓即古之康居大宛月氏今之哈薩克敖罕布哈爾也並非天竺經由之道何為紆數千里之程焉呼吾知之矣裝師忘身求法初以佛教橫被海西安知嶺北遐陬不行隱淪賢哲周咨博訪跋涉奚辭既知突厥各疆

獷麤無學乃始壹意南馳三載印度翻然歸途不復北指徑回疏勒直趨于闐昔人有心予揣度之是之謂矣

采史天竺國舊名身毒亦曰摩伽陀復曰婆羅門俗宗浮圖道不飲酒食肉漢武帝遣使十餘輩問出西南指求身毒為昆明所閉莫能通至漢明帝夢金人於是遣使天竺問佛道法由是其教傳於國中梁武帝後魏宣武皆來貢獻唐貞觀以後朝貢相繼則天授天中五天竺王并來朝獻乾元末河隴陷沒遂不復至周廣順三年西天竺僧薩滿多等十六族來貢名馬乾德三年滄

州僧道圓自西域還得佛舍利一水晶噐貝葉梵經四十夾來獻道圓晉天福詣西域在塗十二年住五印度凡六年五印度卽天竺也還經于闐與其使偕至太祖召問所歷風俗山川道里一一能記四年僧行勸等一百五十七人詣闕上言願至西域求佛書許之以其所歷甘沙伊肅等州焉耆龜茲于闐割祿等國又歷布路沙加濕彌羅等國並詔諭其國令人引導之開寶後天竺僧持梵夾來獻者不絕八年冬東印度王子穰結說羅來朝貢天竺之法國王死太子襲位餘子皆出家爲

僧不復居本國有曼殊室利者乃其王子也隨中國僧至焉太祖令館於相國寺善持律爲都人所傾嚮財施盈室衆僧頗嫉之以其不解唐言卽僞爲奏求還本國許之詔旣下曼殊室利始大驚恨衆僧諭以詔旨不得已遲留數月而後去自言詣南海附買人船而歸終不知所適太平興國七年益州僧光遠至自天竺以其王沒徙曩表來上以釋迦舍利附光遠上進施護者烏墳曩國人其國屬北印度西行十二日至乾陀羅國又西行二十日至曩識羅國又西行十日至嵐婆國又西行

海國圖志卷之十一 西海
十二日至誡惹曩國又西行至波斯國得西海自北印度行百二十日至中印度中印度西行三程至呵囉尾國又西行十二日至未曩羅國又西行十二日至鉢賴野伽國又西行六十日至囉拏俱惹國又西行二十日至摩羅尾國又西行二十日至烏然泥國又西行二十日至羅羅國又西行四十日至蘇羅茶國又西行十一日至西海自中印度行六月程至南印度又西行九十日至供迦拏國又西行一月至西海自南印度南行六月程得南海皆施護之所述云八年僧法遇自天竺

取經回至三佛齊遇天竺僧彌摩羅失黎附表願至中國譯經上優詔召之法遇後募緣製龍寶蓋袈裟將復往天竺表乞給所經諸國敕書遂賜三佛齊等國王書以遣之雍熙中衛州僧辭澣自西域還與胡僧密坦羅奉北印度王及金剛坐王那爛陀書來又有婆羅門僧永世與波斯外道阿里烟同至京師永世自云本國名利得國衣黃衣戴金冠以七寶爲飾出乘象或肩輿以音樂螺鈸前導多遊佛寺博施貧乏其妃衣大紬鑲金紅衣歲一出多所振施人有寃抑候王及妃出遊卽迎

隨伸訴署國相四人庶務並委裁制五穀六畜果實與
中國無異市易用銅錢有文漫圓徑如中國之制但實
其中心不穿貫耳其國東行經六月至大食國又二月
至西州又三月至夏州阿里煙自云本國王號黑衣用
錦綵爲衣每遊獵三二日一還國署大臣九人治國事
無錢貨以雜物貿易其國東行經六月至婆羅門至道
二年八月有天竺僧隨舶至海岸持帝鐘鈴杵銅鈴各
一佛像一軀貝葉梵書一夾與之語不能曉天聖景祐
中西印度僧屢獻梵經佛骨及銅牙菩薩像各賜紫方

袍束帛

范成大吳船錄曰乾德二年詔沙門三百人入天
竺求舍利及貝多葉書有繼業三藏姓王氏耀州
人預遣中至開寶九年始歸寺所藏涅槃經一函
四十二卷業於每卷後分記西域行程雖不甚詳
然地理大略可考世所罕見錄于此以備國史之
闕業自階州出塞西行由靈武西梁甘肅瓜沙等
州入伊吳高昌焉耆于闐疏勒大石諸國度雪嶺
至布路州國又度大蔥嶺雪山至伽濕彌羅國西
登大山有薩埵太子投崖餉虎處遂至健陀羅國
謂之中印土又西至庶流波國及左欄陀羅國國
有二寺又西過四大國至大曲女城南臨洎牟河
北背洹河塔廟甚多而無僧尼又西二程有寶階
故基又西至波羅奈國兩城相距五里南臨洹河
又西北十許里至鹿野苑塔廟佛跡最夥業自云
別有傳記今不傳矣南行十里渡恒河河南有大
浮屠野自鹿苑西至摩竭提國館於漢寺寺多租

入八村隸焉僧徒往來如歸南與杖陵山相直巍
 峯巖然山北有優波掬多石室及塔廟故基西南
 百里孤山名雞足三峯云是迦葉入定處又西北
 百里有菩提寶座城四門相望金剛座其中東向
 又東至尼連禪州東岸有石柱記佛舊事自菩提
 座東南五里至佛苦行處又西三里至三迦葉村
 及牧牛女池金剛座之北門外有師子國伽藍又
 北五里至伽耶城又北十里至伽耶山云是佛說
 寶雲經處又自金剛座東北十五里至正覺山又
 東北三十里至骨磨城業館于鰲羅寺謂之南印
 土諸國僧多居之又東北四十里至王舍城東南
 五里有降醉象塔又東北登大山細路盤紆有舍
 利子塔又臨澗有馬下迎風塔度絕壑登山頂大
 塔廟云是七佛說法處山北平地又有舍利本生
 塔其北山半口鷲峯云是佛說法華經處山下即
 王舍城城北山趾有溫泉二十餘井又北有大寺
 及伽蘭陀竹園故跡又東有阿難半身舍利塔温
 湯之西有平地直南登山腹有畢鉢羅窟業止其

中誦經百日而去窟西復有阿難證果塔此去新
 王舍城八里曰往乞食會新王舍城中有蘭若隸
 漢寺又有樹提迦故宅城其西有輪王塔又北十
 五里有那爛陀寺寺之南北各有數十寺門皆西
 向其北有四佛座又東北十五里至烏巖頭寺東
 南五里有聖觀自在像又東北十里至伽濕彌羅
 寺寺南距漢寺八里許自漢寺東行十二里至却
 提希山又東七十里有鴿寺西北五十里有支那
 西寺古漢寺也西北百里至花氏城育王故都也
 自此渡河北至毘耶離城有維摩方丈故跡又至
 拘尸那城及多羅聚落踰大山數重至泥波羅國
 又至磨逾里過雪嶺至三耶寺由故道自此入階
 州

完史郭侃傳壬子從宋王旭烈兀西征癸丑至本乃奚
 其國塹道置毒水中侃破其兵五萬下一百二十八城

海國圖志卷之四十四
斬其將忽都花爾兀朱算灘算灘華言王也丙辰至乞
都卜其城在檀定山上懸梯上下守以精兵悍卒乃築
夾城圍之莫能克侃架砲攻之守將卜者納失兒開降
旭烈兀遣往說兀魯兀乃算灘來降其父阿力據西城
侃攻破之走據東城復攻破殺之丁巳正月至兀里兒
城伏兵下今聞鉦聲則起敵兵果來伏發盡殺之海牙
算灘降又西至阿刺汀破其游兵三萬禡搯營爾算灘
降至乞石迷部忽里算灘降又至報達部此西戎大國
地方八千里父子相傳四十二世勝兵數十萬侃兵至

破其兵七萬屠其西城又破東城東城殿宇皆搆以沉
檀木舉火焚之香聞百里得七十二絃琵琶五尺珊瑚
燈檠兩城間有大河侃預造浮梁以防其遁城破合法
里算灘登舟觀河有浮梁扼之乃自縛詣軍門降其將
紂答爾遁去侃追之至暮諸軍欲頓舍不聽又行十餘
里乃止夜暴雨元所欲舍處水深數尺明日獲紂答爾
斬之拔三百餘城又西行三千里至天房其將住石致
書請降左右以住石之請爲信然易之不爲備侃曰欺
敵者亡軍機多詐若中彼計耻莫大焉乃嚴備以待住

石果邀我師侃與戰大敗之巴爾筭灘降下其城一百八十五又西行四千里至密昔爾國會日暮已休復驅兵起留數病卒西行十餘里頓下令軍中銜枚轉前敵不知也潛兵夜來襲殺病卒可乃算灘大驚曰東天將軍神人也遂降八年戊午旭烈兀命侃西渡海收富浪喻以禍福兀都筭灘曰吾昨所夢神人乃將軍也即來降案此取地中海一島國非即至歐羅巴州也師還西南至石羅子國敵人來拒以奇兵掩擊大敗之加葉筭灘降已未破兀林游兵四萬阿必丁筭灘大懼來降得城一百二十四南至

乞里灣忽都馬丁算灘來降西域平

元劉郁西使記

憲宗皇帝二年壬子命皇弟旭烈統諸軍西征

案旭

烈即錫喇一作錫里庫

凡六年拓境幾萬里十年已未正月

甲子常德

字江卿

駝驛西觀自和林出兀孫中西北

行二百餘里地漸高入站經瀚海地極高寒雖酷暑雪不消山石皆松文西南七日過瀚海行三百

里地漸下

案地高漸下者過阿爾泰山也

有河濶數里曰昏木輦

夏漲以舟楫濟數日過龍骨河

即烏龍古河在科布多西南五百里

復西北行與別失八里南路相直

案元時天山南路曰別失八里

治今烏魯木齊近五百里多漢民有麥黍穀河西注瀦為

海約百餘里曰乞則里八寺

即烏龍古河所西瀦之赫薩爾巴什泊也

乞則里八寺即赫薩爾巴什譯音相近

多魚可食有礮磴亦以水激

之行漸西有城曰業滿又西南行過孛羅城所種

皆麥稻山多栢不能株駱石而長城居肆圍間錯

土屋窗戶皆琉璃城北有海鐵山風出往往吹行

人墮海中西南行二十萬有關曰鐵木爾懺察守

關者皆漢民關徑崎嶇似棧道出關至阿里麻里

城市井皆流水交貫有諸果唯瓜蒲萄石榴最佳

回紇與漢民雜居其俗漸染頗似中國又南有赤

木兒城居民多并汾人

案阿里麻里即伊犁城也孛羅城北之海即伊犁東

北百餘里之賽里木泊也此所過皆葱嶺東回鶻地太祖時所已服者入版圖二十餘年故有漢民

并汾民商販其中有獸似虎毛厚金色無文善傷人有蟲

如蛛毒中人則煩渴飲水立死惟過醉葡萄酒吐

則解有嗜酒孛羅城迤西金銀銅為錢有文而無

孔方

今回疆普爾錢尙其遺制

至麻阿中以馬捧拖床遞鋪負

重行疾或曰乞里乞西易馬以犬二月二十四日

過亦堵兩山間土平民夥溝洫曠帶多故壘壞垣

問之蓋契丹故居也此契丹乃西契丹也遼之後裔率衆西據回部地踰葱嶺

數千里太祖滅乃蠻執太陽汗其子屈突律奔西契丹旋襲篡其位又十餘年太祖征西域滅之此

其故土長春西遊記所云田疇桑麻異于漠北者在伊犁西境尙未踰葱嶺也計其地去

和林五千里而近有河曰亦運流洶洶東注土人

云此黃河源也此葱嶺東喀什噶爾河之源也二十八日過塔刺

寺今塔刺斯河也三月一日過賽藍城有浮圖諸回紇祈

拜之所明史賽蘭在塔失于之東今塔失干城在錫林河之北元時西域往反必由之路

三日過別石蘭諸回統貿易如上已節四日過忽

牽河渡船如弓鞋然忽牽河即霍闡河之音轉今敖罕境內之納林河也土

人云河源出南大山地多產玉疑爲崑崙山案葱嶺本

昆侖元人已有此語以西多龜蛇行相雜郵亭客舍甃如浴

室門戶皆以琉璃飾之民賦歲止輸金錢十文然

貧富有差八日過樸思干城案元太祖本紀十六年親征回回克尋思

干城長春西游記見太祖于邪迷思干城即此也即今賽馬爾罕城在敖罕境爲葱嶺以西扼要之

地元太祖駐軍之所故知城大而民繁時羣花正

開唯梨花薔薇玫瑰如中國餘多不能名城之西

所植皆葡萄粳稻有麥亦秋種滿地產藥十數種

皆中國所無藥物療病甚效十四日過暗布河元史

或作暗布河或作阿布河又作阿母河元秘史作阿梅河長春西游記作阿母河即佛經之縛芻大河源出葱嶺大龍池西注裏海者也元初置阿母河元帥府領葱嶺以西各國夏不雨秋

則雨漑田以水地多蝗有鳥飛食之十九日過里

丑城其地有桑棗征西奧魯屯駐於此二十六日

過馬蘭城又過納商城草皆苜蓿籜籬以栢二十

九日過帶埽爾城滿山皆鹽如水晶狀近西南六

七里長春西游記踰鐵門東南行山根有鹽泉流出見日即成白鹽又東南經分水嶺西望高澗若水皆鹽以上皆太祖時舊得之部落新得國曰木乃奚牛皆駝峯

黑色地無水土人隔山嶺鑿井相沿數十里下通

流以漑田所屬山城三百六十已而皆下案此國在葱嶺西地中海之東以四洲地理志考之言都魯機滅包社而蒙古又滅都魯機則此為都魯機無疑在布哈爾愛烏罕之西境疑明史所稱哈烈也或曰哈烈即愛烏罕惟檐定西一山

城名乞都布孤峯峻絕不能矢石六年丙辰王師

至城下城絕高險仰視之帽為墜諸道並進敵大

驚令其相臣大赭約失兒來納款已而兀魯兀乃

筭灘出降筭灘猶國王也源案筭灘為西域國王之稱元史作算端明史

作鎖魯檀本朝官書作蘇勒坦亦或速魯檀又葛雷巴稱其王曰巡欄其實皆一音之轉也又痕都

斯坦四字痕都國名斯坦即國王也西洋地圖慈嶺西各國或作士丹或作士單音凡數譯字皆一義

其父領兵據山城令其子取之七日而陷金玉寶貨甚多一帶直銀千笏者其國兵皆刺客俗見男子勇壯者利誘之令手刃父兄然後充兵醉酒扶入窟室娛以音樂美女縱其欲數日復置故處既醒問其所見教之能為刺客死則享福如此因授以經咒日誦蓋使盡其心志死無悔也潛令使未服之國必刺其主而後已雖婦人亦然木乃奚在西域中最高為凶悍威脅鄰國四十餘年王師

既克誅之無遺類

案唐書大食本波斯地有禮堂容數千人每七日王高坐為下

說日死敵者生天上殺敵授福故俗勇于鬪又言有白衣大食黑衣大食分二國即今白帽回黑帽回也四月六日過訖立兒城所產蛇皆回跗長五尺

餘首黑身黃皮如鯊魚口吐紫艷過阿刺丁城人被髮率以紅帕勒首衣青如鬼然

此即古之黑衣大食也王

師自入西域降者幾三十國有佛國名乞石迷西在印毒西北蓋傳釋迦氏衣鉢者其人儀狀甚古如世所繪達摩像不茹葷酒日啖粳一合所談皆

佛法禪定至暮方語

案乞石米西即今克什米爾大唐西域記作伽濕彌勒國

即北印度也在温都斯坦之西北故曰
在印度西北此時北印度尚未改回教 七年丁巳

歲取報達國南北二千里其王曰合法里其城有
東西城中有大河西城無壁壘東城固之以甃繪
其上甚盛王師至城下一交戰破勝兵四十餘萬
西城既陷盡屠其民尋圍東城六日而破死者以
數十萬合里法以舸走獲焉其國俗富庶為西域
冠宮殿皆以沈檀烏木降真為之壁皆黑白玉為
之金珠珍貝不可勝計其后妃皆漢人所產大珠
曰太歲彈蘭石瑟瑟金剛鑽之類帶有直千金者

其國六百餘年傳四十主至合法里而亡人物頗
秀於諸國所產馬名脫必察合法里不悅酒以橙
漿和糖為飲琵琶三十六絃初合法里患頭痛醫
不能治一伶人作新琵琶七十二絃聽之立解土

人相傳報達諸胡之祖故諸胡皆臣服

案報達即
今包社亦

作巴社乃白頭回也穆罕
默德會都此故亦云祖國

報達之西馬行二十日

有天房內有天使神胡之祖葬所也師名癖顏八
兒房中懸鐵絙以手捫之誠可及不誠者竟不得
捫經文甚多皆癖顏八兒所作轄大城數十其民

富貴

案此真回教祖國亦名天方亦名墨克其造經之祖曰派罕巴爾此作癖顏八兒蓋譯音不同華言天使也然則天方即天房其國在包社之西漢安息國即報達也條支國即天方也此役為專征回國故既平天方始旋師服印度蓋自太祖先平葱嶺西東諸回國憲宗乃復平葱嶺西南

諸回

國也 西有密昔爾國尤富地產金夜視有光處誌

之以灰翼日發之有大如棗者至報達六千餘里

國西即海海西有富浪國婦人衣冠如世所畫菩

薩狀男子胡服皆好善寢不去衣雖夫婦亦異處

有大鳥駝蹄蒼色鼓翅而行高丈餘食火其如升

餘

案密昔爾即拂林國其西富浪則地中海之餘鳥夷也駝蹄大鳥即漢書安息所產大馬爵其

石羅子國出珍珠其王名奧思阿塔卑其西南海

也採珠盛以草囊止露兩手腰絙石墜入海取蚌

並泥沙貯于囊中遇惡蟲以醋喫之即去既得蚌

滿囊撼絙舟人引出之往往有死

案石羅子國見元史郭侃傳以

下乃六年以後班師回東便道攻取各國大抵皆屬中印度也

印毒國去中國最

近軍民一千二百萬戶所出細藥大胡桃珠寶烏

木鷄舌賓舌賓鐵諸物國中懸大鐘有訴者擊之

司鐘者紀其事及時王宮亦紀其名以防奸欺民

居以蒲為屋夏大熱人處水中九年己未歲七月

凡林國阿早筭灘來降城大小一百二十民一百七十萬山產銀黑契丹國名乞里彎王名忽教馬丁筭灘聞王大賢亦來降其拔里寺大城獅子雄者鬃尾如纓拂傷人吼則聲從腹中出馬聞怖溺血狼有鬃孔雀如中國畫者惟尾在翅內每日中振羽香貓似土豹糞溺皆香如麝鸚鵡多五色風駝急使乘之日可千里珊瑚出西南海取以鐵網高有至三尺者蘭赤生西南海山石中有五色鴨思價最高金剛鑽出印毒以肉投大淵底飛鳥食

其肉糞中得之撒巴爾出西海中蓋瑋瑁之遺精蛟魚食之吐出年深結成價如金其假者卽犀牛糞爲之也骨篤犀大蛇之角也解諸毒龍種馬出西海中有鱗角牝馬有駒不敢同牧被引入海不復出皂雕一產三卵內一卵生犬灰色而毛短隨母影而走所逐擒無不獲者壠種羊出西海以羊臍種土中漑以水聞雷而生臍系地中及長驚以木臍斷便行齧草至秋可食臍肉復有種

案羊臍事亦見

唐書西域傳拂菻國

又一胡婦解馬語卽知吉凶甚驗其怪

異等事不可殫記往返十四月郁欵曰西域之開始自張騫其土地山川固在也然世代浸遠國號變易事亦難考今之所謂瀚海即古金山也印毒即漢身毒也曰駝鳥者印安息所產大馬爵也密昔爾即唐拂菻地也案拂菻即在條支之西不渡海唐書乃以拂菻即隔海之大秦誤也密昔爾今為如德亞國近利未亞州觀其土產風俗可知已又唐書載拂菻去京師四萬里在西海上所產珍異之物與今日地里正同蓋無疑也中統四年三月

劉郁記

西庫書目曰西使記元劉郁撰郁真定人是書記常德西使皇弟錫里庫軍中返道途之所見王暉嘗載入玉堂雜記中此蓋別行之本也元史憲宗紀憲宗太祖之孫太宗之子世祖二年壬子秋之兄也皆中原未混一以前事遣錫喇征西域蘇丹諸國是歲錫喇薨三年癸丑夏六月命諸王錫里庫及烏蘭哈達帥師征西域法勒噶巴哈台等國八年戊午錫里庫討回回法噶巴平之擒其王遣使來獻捷考世系表睿宗十一子睿宗太宗弟拖雷次六曰錫里庫而諸王中別無錫喇郭侃傳侃王子從錫里庫西行與此記所云王子歲皇弟錫喇統諸軍奉詔西征凡六年拓境幾萬里者相合然則錫喇即錫里庫因元史為明代所修故譯音譌舛一以為錫喇一以為錫里庫誤分二人而憲宗紀二年書錫喇薨三年里書錫里庫征西送和承誤載也此記言常德西使在己未正月蓋錫里庫獻捷之明年所記雖但據見聞不能考證古蹟然亦時有異聞郭侃傳所載與此畧同惟譯語時偶有譌異耳我朝戡定

西域昆侖月髓盡入版圖計常德所經皆在今屯田列障之內具詳西域圖志劉郁所紀本不足道姑錄以備考耳

源案此記所載回國則直造天方佛國則直窮印度皆踰葱嶺而抵西海今新疆版圖僅有葱嶺以東安能在屯田列障之內讀高宗御製五天竺說則我朝不勤遠略無庸與元代爭贖武亦不必以吳詞誣往代也

明職方外紀中國之西南曰印弟亞即天竺五印度也在印度河左右國人西皆紫色其南土曉天文頗識性學亦善百工技巧無筆札以錐畫樹葉為書國王之統例不世及以姊妹之子為嗣親子弟則給祿自膳男子不衣衣僅以尺布掩臍下女人有以布纏首至足者其

俗士農工賈各世其業最貴者曰婆羅門次曰乃勒大抵奉佛多設齋醮今沿海諸國與西客往來者亦漸奉天主教其地有加得山中分南北南半則山川氣候鳥獸蟲魚草木之屬無不各極詭異其地自立夏以至秋分無日不雨反是則片雲不合酷暑難堪惟日有涼風解之其風自已至申從海西來自亥至寅從陸東來草本異于常者不可屈指西友鄧儒望嘗游其國獲觀草木生平未嘗見者至五百餘種

其所產木以造舟極堅永不破壞多產椰樹為天下第一良材幹可造舟車葉可覆屋實能療飢漿能正渴又可為酒為醋為油為館糖堅處可削為釘殼可

盛飲食瓢可索縋種一木而一室之利畢賴之矣又有
二奇木其一各陰樹花形如茉莉且晝不開至夜始放
向晨盡落地矣國人好臥于樹下至蚤花覆滿身其一
木不花而實人不可食其枝飄揚下垂附地便生根若
柱如是歲久結成巨林國人蔭其下無異屋宇至有容
千人者其樹之中近原幹處則以供佛名菩薩樹鳥類
最多有巨鳥吻能解百毒國中甚貴之一吻直金錢五
十地產象異於他種能識人言土人或命負物至某地
往輒不爽他國象遇之則蹲伏有獸名獨角天下最少
亦最奇利未亞亦有之額間一角極能解毒此地恒有
毒蛇蛇飲泉水水染其毒人獸飲之必死百獸在水次
雖渴不敢飲必俟此獸來以角攬其水毒遂解百獸始
就飲焉勿擗祭亞國庫云有兩角稱爲國寶又有獸形
如牛身大如象而少低有兩角一在鼻上一在頂背間
全身皮甲甚堅銃箭不能入其甲交接處比次如鱗甲
甲面舉礪如鯊皮頭大尾短居水中可數十日從小鱗
之亦可馭百獸俱懼伏尤憎象與馬偶值必逐殺之其
骨肉皮角牙蹄糞皆藥也西洋俱貴重之名爲麗達或

中國所謂麒麟天祿辟邪之類其貓有肉翅
能飛蝙蝠大如貓蛇種類極多大半俱毒

地勢爲三

角形末銳處闊不百步東西氣候無不各極相反此晴
則彼雨此寒則彼熱此風濤蔽天則彼穩如平地矣故
海舶有乘順風而過者至銳處則行如拔山此南印度
之尤異也

又曰印度有五惟南印度尙仍其舊餘四印度今皆爲
莫卧爾回國所併矣莫卧爾國甚廣分爲十四道象至
三千餘隻近百年內吞併鄰國甚多嘗攻西印度其西
印度王統兵五十萬馬十五萬象二百每象負一木臺

客人可二十又載統千門其大者四門每門駕牛二百
又盛載金銀滿五十巨罌以禦之不勝盡為莫卧爾國
王所獲又東印度有大河名安日即恒河國人謂經此水
一浴所作罪業悉得消除五印度之人咸往沐浴冀得
滅罪生天也其東近滿刺加處國人各奉四元行之一
死後各用本行葬其屍如奉土者入土奉水火者投水
火至奉氣者則懸掛尸於空中亦大異也

恒河考上

問自晉魏唐以來歷代高僧使西域皆自葱嶺沿印度

河南行以達中西二印度從無有沿恒河者豈恒河不
源葱嶺而偏處東隅乎佛經說法動喻恒河波斯匿王
及諸大弟子往返之跡皆在恒河從無一語及印度河
豈佛終身僻處東南二印度而不至中西二印度乎葱
嶺大龍池即阿耨達池出四大水分注四海而印度河
恒河皆注南海何以唐人皆指印度所注為西海乎魏
源曰恒河同源而異委其出于葱嶺大龍池者即恒河
之正源至印度而分二一由西印度入海是為西恒河
一由東印度入海是為東恒河佛生中印度之舍衛國

一生轉法輪多在西恒河左右其東恒河則偶至不常
至後世方俗專稱東印度之河爲恒河而譌稱西恒河

爲印度河于是并以上游出葱嶺之源統稱印度河

凡言

信度河新頭河者皆印度之轉音也

始于晉法顯而魏惠生唐元裝並因

之二千載來潰潰瀾瀾無從問其脈絡惟水經注引釋
氏西域記曰阿耨達太山其上有大淵池宮殿樓觀甚
大焉山卽昆侖山也其山出六大水山西有水名新頭
河西南有二水名遙奴一名薩罕一名恆伽同出一山
俱入恒水恒水一出大秦名犁靱一東流入東海蓋二

水所注兩海所納自爲東西也又唐秦扶南傳曰恒水
之源乃出極西北昆侖山中有五大源枝扈黎大江出
山西北流東南注大海枝扈黎卽恒水也渡江西行極
大秦也此乃並指印度河爲西恒河印度河源爲恒源
法顯傳上游雖沿俗稱印度河而下游言恒水又東到
多磨犁靱卽是海口犁靱乃條支瀕西海之地是亦以
印度河卽恒水若專指東印度之水爲恒水則豈能橫
貫印度河而西北至犁靱又貫印度河而東南至榜葛
刺耶源同委異星漢明白安得忽奪其一又并誣其源

致佛經無一可通乎至阿耨達注西海之水以印度河當之尤元裝記之謬夫東恒西恆同注南海非地中海也烏得以印度河之海口為西海又安得分一恒河之水以當二河哉別詳昆命篇平惟是水經雖言恒河下游之分注而不詳上游何地分支考西域諸記西洋諸圖皆無分流岐出之證皇清通考四裔門曰巴達克山國扼葱嶺之西有河北流經博羅爾巴達克山兩部之間至伊什得克特分流一流經北入圖斯泊一流逕西又北入伊西洱泊此蓋指縛芻河與印度河初分之處圖斯泊

即縛芻河所經伊西洱泊即印度河所經也徐氏西域水道記第一圖于龍池西出二派行六七百里即各分為二亦以意為之非有所據

流如梁州之東漢水西漢水在山谷中孔穴相通故西域取經諸僧皆未道及此亦臆度之詞而吾則斷兩水

之分必在中印度以下不在中印度以上何者北印度之北界以大雪山綿亘二千里直抵裏海包社之地印

度河循大雪山而西直至包社始轉而南故知上游斷無分流別駛之地及至中西兩印度之間平原曠野受

水益多始分一支東行迨受後藏岡噶江之水而其流

海國圖志卷十七 西南南洋 五印度總沿革

始大又至東印度之東受大金沙江水而浩瀚始極故
歷代西使之記皆踰印度河卽爲北印度無更渡一水
者至其受岡噶江以後則一統志述之曰岡噶江源出
岡底斯山山南馬品木達賴池及耶噶池自池西流出
名狼楚河西流二百餘里折而北繞古格札什魯木布
則城西仍轉南又西流千有五百餘里至阿里西鄙桑
納蘇木多之地拉楚河自僧格喀巴布山發源西流千
有六百餘里轉南流三百五十餘里來會之又轉南流
二百五十餘里經畢底城之西二百餘里折東流千七

百餘里至那克拉蕪木多北鄙又有麻楚河來會之三
水合一始名岡噶江轉東南經馬木巴柞木卽部落至
厄訥特克國入南海案厄訥特阿國卽中印度也其下
游至東印度又受大金沙江則英夷地圖繪之岡噶江
與大金沙江合流始名安日河亦名安市治河入南海
故坤輿職方諸圖皆無大金沙江蓋統于安日河之海
口也然則東印度當在恒河以西乎抑在恒河以東乎
曰恒河兩岸地皆有之上游則岡噶江以東如古里鎖
里坎巴諸國下游則安日河以東如大小葛蘭柯枝諸

海國圖志卷之十四南洋
國以西如榜葛刺國皆東印度境也大金沙江自緬甸
逆流而西則其南岸之地如柯枝等國亦皆橫行自東
而西轉入印度境內故元裝記往東印度皆涉大河而
往柯枝葛蘭今名烏土國榜葛刺一名孟加臘其近後
藏之功德阿難國等當卽廓爾喀國不瀕大海其古里
鎖里殆卽海錄之徹第岡等地歟明史言水程幾晝夜
者海艘沿恒河下游非必皆大洋之道里

恒河考下

問曰漢書往罽賓有懸度之險晉法顯亦曾經其地述

之曰厓岸險絕石壁千仞下有水名新頭河鑿石通路
躡懸絙過沙河兩岸相去八十步渡河到烏菴國卽北
天竺是蓋度新頭河往印度必由之險而元邱長春劉
郁之西行及乾隆中官兵之追霍集占皆往反此河曾
無躡絙緣竿之事豈陵谷遷變歟曰水經注言懸度在
烏秣之西烏秣今巴達克山也官軍追賊僅至巴達克
山東北交界安能卽至其西境之懸度乎漢書罽賓傳
歷三盤石坂臨崢嶸不測之深步騎繩索相引二千餘
里乃到懸度是其地距龍池甚遠故法顯傳踰葱嶺後

又西南行十五日始至懸度焉我軍追賊至葱嶺之阿爾楚山又三日卽追戰于伊西庫洱河其兩岸卽和什珠克嶺近在大龍池之西巴達克山之東北距法顯所渡尚隔十餘程故皇清四裔考曰葱嶺西有河北流經巴達克山博羅爾兩部之間北入伊西洱泊其北鄙之城曰瓦漢將軍富德移檄索其獻俘而進軍瓦漢以待之蓋駐軍其國北境未抵其國都也至邱長春初從鐵門踰阿母河至印度北雪山行在不言過印度河及歸從他道過石峽有石梁橫其上下流甚急賦詩有水北

鐵門猶自可水南石峽更堪驚之句則明指阿母河以南之印度河矣其後次再赴行在舟濟阿母河後夜過班里城又東行數十里復過一水馬僅能度則又涉印度河矣長春兩踰印度河而一由石梁一則馬涉是皆印度河上源其水尙淺又何曾至烏秣以西下游之懸度乎不但此也卽唐元裝使西域記亦未經懸度蓋元裝由鐵門過縛芻河南度大雪山卽邱長春所經之路法顯則順河北岸西行故未經鐵門亦未踰大雪山其程途有上下游之別非往北印度者必經懸度之險也

海國圖志卷十八
以地望推之鐵門在縛芻河北納林河南迨近賽馬爾罕當在今敖罕南境懸度則在今巴達克山西境愛烏罕東境恒河蓋貫二部而南經克什彌爾之西以入痕都斯坦其通舟當在懸度下游以後漢唐時往屬賓者憚大雪山之阻故繞其下游唐以後多踰大雪山至北印度故不繞懸度也故知印度河之分流斷在懸度以後不在懸度以上

海國圖志卷十八

西南洋

邵陽魏源輯

中印度沿革

原無今
補輯

漢書烏弋山離國土去長安萬二千二百里不屬都護戶口勝兵大國也東北至都護治所六十日行東與罽賓西與犁軒條支接烏弋地暑熱莽平其草木畜產五穀果菜食飲宮室市列錢貨兵器金珠之屬皆與罽賓同而有桃拔師子犀牛俗重妄殺其錢獨文爲人頭幕爲騎馬以金銀飾杖絕遠漢使希至自玉門陽關出南

道歷鄯善而南行至烏弋山離南道極矣轉北而西得

安息案烏弋山離在罽賓之西犁鞞條支安息之東南其為中印度無疑俗重妄殺佛國始見于史故以

冠中印度之首

後漢書天竺國一名身毒在月氏之東南數千里俗與

月氏同而卑濕暑熱其國臨大水乘象而戰其人弱於

月氏修浮圖道不殺伐遂以成俗從月氏高附國以西

南至西海東至槃起國皆身毒之地全傳已見前五印

范蔚宗西域傳論曰西域風土之載前古未闢也漢世

張騫懷致遠之畧班超奮封侯之志終能立功西遐羈

服外城自兵威之所肅服財賂之所懷誘莫不獻方奇

納愛質露頂肘行東向而朝天子故設戊己之官分任

其事建都護之帥總領不權先馴則賞籛金而賜龜綬

後服則繫頭纓而繫北闕立屯田於膏腴之野列郵置

於要害之路馳命走驛不絕於時月商胡販客日款於

塞下其後甘英乃抵條支而歷安息臨西海以望大秦

拒玉門陽關者四萬餘里靡不周盡焉若其境俗性智

之優薄產載物類之區品川河領障之基源氣節涼暑

之通隔梯山棧谷繩行沙度之道身熱首痛風災鬼難

之域莫不備寫情形審求根實至於佛道神化興自身
毒而二漢方志莫有稱焉張騫但著地多暑濕乘象而
戰班勇雖列其奉浮圖不殺伐而精文善法導達之功
靡所傳述余聞之後說也其國則殷乎中土玉燭和氣
靈聖之所降集賢懿之所挺生神迹詭怪則理絕人區
感驗明顯則事出天外而騫超無聞者豈其道閉往運
數開叔葉乎不然何誣異之甚也漢自楚英始盛齋戒
之祀桓帝又修華蓋之飾將微意未譯而但神明之邪
詳其清心釋累之訓空有兼遺之宗道書之流也且好

仁惡殺蠲敝崇善所以賢達君子多愛其法焉

魏書唐書宋史

已見五印度總考不重錄

明史沿納樸兒其國在榜葛刺之西或言卽中印度古
所稱佛國也永樂十年遣使者齋敕撫諭其國賜其王
金絨錦金織文綺綵帛等物十八年榜葛刺使者愬其
國王數舉兵侵擾詔中官侯顯齋勅諭以睦鄰保境之
義因賜之綵幣所過金剛寶座之地亦有布施然其王
以去中國絕遠朝貢竟不至

金剛座之地見佛經及大唐西域記此中印度無疑

西域圖志曰愛烏罕東南接痕都斯坦部漢書南道西

踰葱嶺則出大月氏與今愛烏罕方位相符而痕都斯
坦為古罽賓國愛烏罕南與相接亦與漢書大月氏南
接罽賓之說合惟境壤相接是以貴霜大得滅罽賓而
有之也罽賓與北印度接五印度即五天竺國范史稱
貴霜王于滅罽賓後并滅天竺亦其境地毘接之明證
案以大唐西域記考之罽賓當為克什彌爾之地即北
印度而痕都則中印度也愛烏罕為大月氏南境而大
月氏則北有大夏又有兼
北印度之西境此全誤 又班書稱大月氏都媯水北
魏書稱其都馬許水隋書稱其部烏澹水烏澹與媯為
音之近烏澹與馬許則字之譌也范史又稱天竺在月

氏之東南天竺為今西藏亦適當愛烏罕東南境據此

斷以愛烏罕為月氏故壤無疑

源案以西藏為天竺二故以痕都斯坦為罽賓且謂罽賓尚非北印度愈歧愈遠皆與御製五天竺二說不合惟謂愛烏罕為月支則近是

又曰痕都斯坦在拔達克山西南愛烏罕東

漢魯作東南

國

工治玉以水磨成器最精為內地所勿逮舊於葉爾羌

貿易乾隆二十五年頒 勅書賜物通市如故其地蓋

北印度交界北極高二十九度十五分距京師偏西四

十五度五分當為古罽賓國地

案罽賓即北印度而痕都斯坦則中印度不當

混為一也痕都一作溫斯

東印度沿革

原無今補輯。明史作榜葛刺此外

西夷書圖或云孟加臘或云孟阿拉或云滿加塔或云明呀喇或云明絞管皆字殊音同其北境有古里瑣里坎巴又東隔海口之柯枝葛蘭等國皆東印度境惟緬甸在印度外

明史榜葛刺即漢身毒國東漢曰天竺其後中天竺貢於梁南天竺貢於魏唐亦分五天竺又名五印度宋仍名天竺榜葛刺則東印度也自蘇門答刺順風二十晝夜可至永樂六年其王嚮牙思丁遣使來朝貢方物七年使凡再至攜從者二百三十餘人帝方招徠絕域頒賜甚厚自此比年入貢永樂十二年及正統三年凡兩

貢麒麟百官表賀自是不復至其國地大物阜城池街市聚貨通商繁華類中國四時氣候常如夏土沃一歲二稔不待耔耘俗淳龐有文字男女勤於耕織容體皆黑間有白者王及官民皆回回人喪祭冠婚悉用其禮男子皆薙髮裹以白布衣從頸貫下用布圍之厯不置閏刑有笞杖徒流數等官司上下亦有行移醫卜陰陽百工技藝悉如中國蓋皆前世所流入也其王敬天朝聞使者至遣官具儀物以千騎來迎王宮高廣柱皆黃銅包飾雕琢花獸左右設長廊內列明甲馬隊千餘外

列巨人明盔甲執刀劍弓矢威儀甚壯丹墀左右設孔雀翎傘蓋百餘又置象隊百餘於殿前王飾八寶冠箕距殿上高坐橫劍於膝朝使入令柱銀杖者二人來導五步一呼至中則止又拄金杖者二人導如初其王拜迎詔叩頭手加額開讀受賜訖設絨毯於殿宴朝使不飲酒以薔薇露和香密水飲之贈使者金盃金繫腰金瓶金盆其副則悉用銀從者皆有贈厥貢良馬金銀琉璃器青花白瓷鶴頂犀角翠羽鸚鵡洗白苾布毳羅棉撒哈刺糖霜乳香熟香烏香麻藤香烏爹泥紫膠藤竭

烏木蘇木胡椒粗黃

宋史丹眉流國東至占臘五十程南至羅越水路十五程西至西天

三十五程北至程良六十程東北至羅斛二十五程東南至閩婆四十五程西南至程若十五程西北至洛華二十五程東北至廣州一百三十五程其俗以版為屋跣足衣布無紳帶以白紵纏其首貿易以金銀其主所居廣袤五里無城郭出則乘象車亦有小馴地出犀象鋤石紫草蘇木諸藥四時炎熱無雪霜未嘗至中國咸平四年來貢按其方位四至亦東印度地

明史或言柯枝卽古盤盤國宋梁隋唐皆入貢

唐書盤盤在南

海西北距環王限少海與狼牙修接自交州海行四十日乃至宋元嘉梁大通中均入貢其民瀕水居比木為柵石為矢鏃貞觀中再遣使朝其東南有哥羅富沙羅王州二十四其兵有弓矢稍及以孔雀羽飾蘇每戰以百象為一隊一象百人鞍若檻四人執弓稍在中賦率輸銀二銖無絲紵惟吉貝非有官不束髮凡嫁娶納贖

椰為禮多至二百盤東南有拘婁密海行一月至南距婆利行十日不述行五日至西北距文單行六日

至與赤土墮和羅同俗

自小葛蘭西北行順風一日夜可至永樂

元年遣中官尹慶齋詔撫諭其國賜以銷金帳幔織金

文綺綵幣及華蓋永樂六年復命鄭和使其國六年遣

使來貢十年封其國中之山勒石山上宣德八年遣使

偕錫蘭山諸國來貢正統元年遣其使者附瓜哇貢舶

還國賜敕勞王其國與錫蘭山對峙中通古里國界東

大山西南北皆大海氣候常熱田瘠少收俗頗淳築室

用椰子樹卽取其葉為苫覆王瑣里人尊釋教佛座四

旁皆水溝復穿一井每旦鳴鐘鼓汲水灌佛再三始羅
拜而退人分五等第一南昆王族類二回回三哲地皆
富民四革全皆牙僧最賤者曰木瓜屋高不得過三尺
蓋極貧民執賤役者歲中二三月時有少雨國人皆治
舍儲食物以俟五六月間大雨不止街市成河七月始
晴八月後不復雨歲歲皆然地產諸穀獨無麥諸畜亦
皆有惟無鶯與驢澳門紀略柯枝國分上三等曰南昆
王族類曰回回曰哲地下二等曰草
全皆牙僧曰木瓜最貧賤
遇南昆哲他人輒伏地
明史又曰小葛蘭其國與柯枝接境自錫蘭山西北行

六晝夜可達東大山西大海南北地窄西洋小國也永
樂五年遣使附古里蘇門答刺入貢賜其王錦綺紗羅
鞍馬諸物其使者亦有賜王及郡下皆瑣里人奉釋教
敬牛及他婚喪諸禮多與錫蘭同俗淳土薄收穫少仰
給榜葛刺鄭和常使其國厥貢止珍珠傘白綿布胡椒
又有大葛蘭波濤湍悍舟不可泊故商人罕至土黑墳
本宜穀麥民懶事耕作歲賴烏爹之米以足食風俗土
產多類小葛蘭柯枝即海錄之烏上國故大小葛蘭地
接柯枝土亦黑墳無一不合考英夷所
繪中國地圖亦列柯枝于大金沙江海口東岸
與緬甸接以上二國皆東印度邊境故附著之

又曰古里西洋大國西濱大海南距柯枝國北距狼奴
爾國東七百里距坎巴國自柯枝舟行三日可至

觀柯枝至古里必由舟行可見中隔江河蓋古里介大金沙及恒河二水之間而柯枝則在江河合流之東南岸也

錫蘭山十日可至諸番要會也永樂元年命中官尹慶

奉詔撫諭其國賚以綵幣其會遣使從慶入朝貢三年

達南京封為國王賜印誥及文綺諸物遂比年入貢鄭

和亦數使其國十三年偕柯枝南勃利甘巴里滿刺加

諸國入貢十四年又偕瓜哇滿刺加占城錫蘭山木骨

都束溜山南淳利不刺哇阿丹蘇門答刺麻林刺撒忽

魯謨斯柯枝南巫里沙里灣泥彭亨諸國入貢是時諸

番使臣充斥於廷以古里大國序其使者于首十七年

偕滿刺加十七國來貢十九年又偕忽魯謨斯阿丹祖

法兒刺撒不刺哇木骨都束柯枝加異勒溜山南淳利

蘇門答刺阿魯滿刺加諸國遣使千二百人人貢時帝

方出塞勅皇太子曰天時向寒貢使即令禮官宴勞給

賜遣還其以土物來市者官酬其直自成祖崩中朝不

遣使諸國諸國貢使亦不來宣德五年復遣鄭和使其

國八年其王遣使偕蘇門答刺柯枝錫蘭山祖法兒阿

丹甘巴里忽魯謨斯加異勒天方使臣入貢其使久留
都下至正統元年乃命附瓜哇貢舟西還自是不復至
其國山多地瘠有穀無麥俗甚淳行者讓道道不拾遺
人五分等如柯枝王敬浮屠鑿井灌佛亦如之每日王
及臣民取牛糞調水塗壁及地又煨爲灰抹額及股謂
爲敬佛國中半崇回回教建禮拜寺數十處七日一禮
男女齋沐謝事午時拜天於寺未時乃散王老不傳子
而傳甥無甥則傳弟無弟則傳於國之有德者國事皆
決於二將領以回回人爲之刑無鞭笞輕者斷手足重

者罰金珠尤重者夷族沒產鞫獄不承則置其手指沸
湯中三日不爛卽免罪免罪者將領導以鼓樂送還家
親戚致賀富家多植椰子樹至數千其嫩者漿可飲亦
可釀酒老者可作油糖亦可作飯幹可搆屋葉可代瓦
殼可製杯瓿可索綯燭爲灰可鑲金其他蔬果畜產多
類中國所貢物有寶石珊瑚珠琉璃瓶琉璃枕寶鐵刀
拂郎雙刃刀金繫腰阿思模達塗兒氣龍涎香蕪合油
花氈單伯蘭布苾布之屬

又曰西洋瑣里洪武二年命使臣劉叔勉以卽位詔諭

其國三年平定沙漠復遣使臣頌詔其王遣使奉金葉表獻方物成祖頌卽位詔於海外諸國西洋瑣里亦與

焉永樂元年二十一年偕古里阿丹等十五國來貢源按

一統志云西洋瑣里本一小國乃占城暹羅錫蘭山柯枝諸大國王舊志皆云瑣里人故特存之此與古里皆東印良境於大地方位爲南洋非西洋也明史云概西洋者失之。明史西天阿難功德國西方番國也洪武七年遣其講主必尼西來朝貢方物及解毒藥石詔賜文綺禪衣及布帛諸物後不復至又有和林國師亦遣其講主來朝獻銅佛舍利自哈丹布及元所授玉印玉圖書又曰尼八刺國在諸藏之西去中國絕遠其王皆僧爲之洪武十七年太祖已招徠諸番議通使其地命僧智光齋壘書綵幣往并使其鄰境地湧塔國智光精釋典負才辨宣揚天子德意其王卽遣使隨入朝貢金塔佛經及名馬方物二十年達京師帝喜賜銀印玉圖

書誥敕符驗及幡幢綵幣又賜其使者二十三年再貢加賜玉圖書紅羅織終太祖時數歲一貢成祖嗣位復命智光使其國永樂七年遣使來貢十一年命楊三保齋壘書銀幣賜其嗣王及地湧塔王十六年命中宮鄧城齋書往所經罕東靈藏必力工瓦烏斯藏及野藍卜納皆有賜宣德二年又遣中官侯顯賜其王絨錦紵絲地湧塔王如之自後貢使不復至又有速親嵩者亦西方之國永樂三年遣行人連廸等齋敕往招賜銀紗綵幣其酋以道遠竟不至萬麻野獲編曰西天功德阿難國古來不聞此夷名金元諸史及國朝會典皆不載必胡僧賺賞僞造美名以欺天朝耳源案明史尙有加異勒國甘巴里國吉蘭丹國皆永樂宣德中鄭和所奉使招徠偕古里柯枝南淳利等國入貢其隣境尙有小阿蘭撥丹二國皆東印度之部落

南印度沿革

原無今補輯
附錫蘭山島

後漢書東離國居沙竒城在天竺東南三千餘里大國也其土氣物類與天竺同列城數十皆稱王大月氏伐之遂臣服焉男女皆長八尺而怯弱乘象駱駝往來鄰國有冠乘象以戰

新唐書瞻博或曰瞻婆北距兢伽河多野象羣行顯慶中與婆岸干支弗舍跋若磨臘四國並遣使人朝干支在西南海中本南天竺屬國亦曰半支跋若唐言五山也北距多摩菴又有哥羅舍分修羅分甘畢三國貢方

物甘畢在南海上東距環王有勝兵五千可羅舍分者在南海南東婆和羅修羅分者在海北東距真臘其風俗大畧相類有君長皆柵邪二國勝兵二萬甘畢才五千又有多摩婁東距婆鳳西多隆南干支弗北訶陵地東西一月行南北二十五日行俗無姓婚姻不別同姓王坐常東向勝兵二萬有弓刀甲稍無馬果有波那婆宅護遮菴摩石榴其國經薩盧都訶盧君那盧林邑諸國乃得交州顯慶中貢方物

又曰室利佛逝一曰尸利佛誓過軍徒弄山二千里地

東西千里南北四千里而遠有城十四以一國分總西曰耶婆露斯多金汞砂龍腦夏至立八尺表影在表南二尺五寸國多男子有橐駝豹文而犀角以乘且耕各曰駝牛豹其王號曷密多咸亨至開元間數遣使者朝表爲邊吏侵掠有詔廣州慰撫又獻侏儒僧祇女各二及歌舞

南印度海中錫蘭山島

古狼牙修國一名僧伽刺國一名楞伽山一名則意蘭島

明史錫蘭山卽古狼牙脩梁時曾通中國自蘇門答刺順風十二晝夜可達永樂中鄭和使西洋至其地其王欲害和和覺去之他國其王又不睦隣境屢邀劫往來使臣諸番皆苦之及和歸復經其地乃誘和至國中發

兵五萬劫和舟且塞歸路和乃率部卒二千由間道乘
虛攻拔其城生擒其王妻子頭目獻俘于朝廷臣請行
戮帝釋之持其族之賢者立之其舊王亦釋歸自是海
外諸番益服天子威德貢使載道而其王遂屢入貢其
國地廣人稠貨物多聚亞于瓜哇東南海中有山三四
座總名曰翠藍嶼大小七門門皆可通舟中一山尤高
大番名校篤蠻山其人皆巢居穴處赤身髡髮自此山
西行七日見鸚哥嘴山又二三日抵佛堂山即入錫蘭
國境海邊山石上有一足跡長三尺許故老云佛從翠
蘭嶼來踐此故足跡尚存中有淺水四時不乾人皆手
蘸以洗面目山下僧寺有釋迦真身側臥床上旁有佛
牙及舍利相傳佛涅槃處也其寢座壯嚴甚麗王所居
側有大山高出雲漢產諸色寶石每大雨衝流山下海
旁有浮沙蛛蚌聚其內故其國諸珠寶特富王瑣果國
人崇釋教重牛日取牛糞燒灰塗其體又調之以水徧
塗地上乃禮佛手足直舒腹貼于地以為敬不食牛肉
止食其乳死則瘞之有殺牛者罪至死氣侯常熱米粟
豐足民富饒然不喜噉飯欲噉則于暗室不令人見男

子裸上體下圍以布徧體皆毫毛悉薙去惟髮不薙所
貢物有珠珊瑚寶石水晶撒哈喇西洋布乳香木香樹
香檀香沒藥硫磺藤竭蘆薈
烏木胡椒碗石馴象之屬

廣東通志錫蘭山疆域在西洋與柯枝國對峙南以別
羅里為界自羅里南去順風七晝夜可至瀾山洋國十
晝夜可至古里國二十一晝夜可至卜刺哇國柯枝接
大小葛蘭二國山連赤土上自小葛蘭順風二十晝夜
可至木骨都束國自古里順風十晝夜可至忽魯謨斯
國二十晝夜可至刺撒國二十二晝夜可至阿丹國又
自忽魯謨斯四十晝夜可至天方國乃南洋之盡處也
書稱狼牙修國在南海中其界東西三十日行南北二
十日行北去廣州二
萬四千里蓋即此國

西域記附注僧伽羅國古之師子國又曰無憂國即南
印度其地多奇寶又名曰寶渚昔釋迦牟尼佛化身名
僧伽羅國人推尊為王以大神通力破大鐵城滅羅刹
女拯恤危難于是建都築邑化導四方示寂留牙在于

茲土國有凶荒災異懇祈隨應今之錫蘭山即古之僧
伽羅國也王宮側有佛牙精舍飾以衆寶輝光赫奕累
世相承敬禮不衰今國王剛烈苦奈兒瓊哩人也崇祀
外道不敬佛法暴虐國人永樂三年太監鄭和奉香花
往詣彼國供養王欲加害鄭和知其謀遂去後復遣鄭
和往賜諸番并賜錫蘭山國王王益慢不恭欲圖害使
者用兵五萬人刊木塞道分兵以規海舟會其下預泄
其機鄭和等歸路已絕潛遣人回舟備水師拒之而和
自以兵三千夜由間道攻入王城守之其規海舟番兵
乃與其國內番兵四面攻圍數重拒戰六日和等執其
王凌晨開門伐木取道且戰且行凡二十餘里抵暮始
達舟即禮請佛牙登舟靈異非常光彩照耀歷涉巨海
數萬里風濤不驚如履平地永樂九年七月至京師詔
于皇城內莊嚴旃檀金剛寶座貯修供養佛牙精舍側
有小精舍亦以衆寶而爲瑩飾中有金佛像此國先王
等身而鑄肉髻則貴寶飾焉至是并歸中國
元汪大淵島夷志畧僧加刺疊山環翠洋海橫峙其山
腰有佛殿巋然則釋迦佛舍利所在海濱有石如蓮臺

上有佛足跡長二尺有四寸濶七寸深五寸許跡中滄
水入其內不鹹而甘病者飲之則愈土人面紫身黑眼
大而長手足溫潤而壯健壽多至百餘歲佛初憐彼方
之人貧而爲盜故以善化其民復以甘露水洒地俾產
紅石土人掘之得此以濟貿易昔令溫飽而善良其佛
前有一鉢孟非玉非銅非鐵色紫而潤敲之有玻璃聲
故國初凡三
遣使取之云

梁書狼牙修國在南海中其界東西三十日行南北二
十日行去廣州二萬四千里上氣物產與扶南畧同其
俗男女皆袒而被髮以吉貝爲干縷其王及貴臣乃加
雲霞布覆脚以金繩爲絡帶金環貫耳女子則被布以
嬰珞繞身其國累塼爲城重門樓閣王出乘象有幡旆
旒鼓罩白蓋兵衛甚設國人說立國以來四百餘年天
監十四年遣使奉表曰大吉天子足下
離深怒癡哀慰衆生今遣使問訊云云

新唐書師子國居西南海中延袤二千餘里有稜加山
多奇寶以寶置洲上商舶償直輒取去後隣國人稍往

居之能馴養師子因以名國總章三年遣使者來朝天寶初王尸羅迷迦再遣使獻大珠鉤金寶瓔象齒白氎甯懷仁坤輿圖說印第亞之南有則意南島離赤道北四度人自幼以環繫耳漸垂至肩而止海中多珍珠江河生貓睛昔泥紅金剛石等山林多桂皮香木亦產水晶嘗琢成棺發死者相傳為中國人所居今房屋殿宇亦頗相類西有小島數十總名馬兒地蔽悉為人所居海中生一椰樹其實甚小可療諸病

附補落伽山及滔山

補落迦山一名普陀山

天竺西域記南印度瀕海有秣刺耶山產龍腦香山東有布吐落迦山頂有池池側有石天宮觀自在菩薩往來遊舍從此山東北海畔有城是往南海僧迦羅國路從此入海東南可三千餘里至僧迦羅國唐書師子國亦南印度之境也國周七千餘里昔本寶渚羅刹居之前王僧伽刺治兵浮海而往誦咒奮武遂有其國其王即釋迦佛之前生也。案補落迦山在南印度瀕海之岸非島也由此下海乃至錫南山島故別載之

海島逸志曰穆迦濱於南海真佛所居山極高峻徧地黃金美玉百神守護不得取也直修者必登穆迦禮拜真佛持齋受戒數年而出人皆稱曰老君自能降神伏怪驅邪斬鬼手持念珠慈悲可掬見者知其有道

○案此即南印度瀕海之落迦山也非錫蘭島。明史滔山自錫蘭山別羅里南去順風七晝夜可至自蘇門答刺過小帽山西南行十晝夜可至永樂十年鄭和往賜其國自後三貢並與忽魯謨斯諸國偕宣德五年鄭和復使其國後竟不至其山居海中有三石門並可通舟無城郭倚山聚居氣候常熱土薄穀少無麥十人皆捕魚暴斃以充食土及羣下盡回回人婚喪諸禮多類忽魯謨斯山下有八港各以溜名或言外更有三千溜舟或失風入其處即有沉溺之患

魏源曰五印度之地惟南印度斗出大海形如箕舌似

中國之登萊而補落迦山則猶登州之成山其錫蘭島

之楞伽山則猶海中之瓊州臺灣也普陀之在西藏在
浙江定海者皆後出傳會惟此近翔實以非西夷市舶
所集故無述焉獨是錫蘭島偏近印度史稱地廣富庶
亞于瓜哇南懷仁艾儒畧均圖述之何以亦闕然于英
夷據印度之後卽海錄及海國聞見錄亦不一齒及耶
蓋南洋斗出瀕海之岸爲大西洋各國市埠環峙有英
吉利埠有荷蘭埠有佛蘭西埠有彌堅利埠有葡萄埠
岸市盛故島夷微矣溜出諸島林立近錫蘭山關南洋
地險姑附備形勢

西印度沿革

唐以前爲安息條支歸此類其時皆
佛教無回教也唐以後改名大食波
斯則皆回教分見後巴社阿丹兩國
下其魏書隋書之波斯亦歸此類

漢書安息國治番兜城去長安萬一千六百里不屬都
護北與康居東與烏弋山離西與條支接土地風氣物
類所有民俗與烏弋屬賓同亦以銀爲錢文獨爲王面
幕爲夫人面王死輒更鑄錢有大馬爵其屬小大數百
城地方數千里最大國也臨媯水商賈車船行旁國書
革旁行爲書記武帝始遣使至安息王令將將二萬騎
迎於東界東界去王都數千里行比至過數十城人民

相屬因發使隨漢使者來觀漢地以大鳥卵及犂軒眩人獻於漢天子大說安息東則大月氏

漢書又曰烏弋山離國行可百餘日乃至條支國臨西

海

案此四海謂地中海魏書謂此西淳海也

暑濕田稻有大鳥卵如甕人衆

甚多往往有小君長安息役屬之以爲外國善眩安息長者傳聞條支有弱水西王母亦未嘗見也自條支乘

水西行可百餘日近日所入云

此語魏書已破其妄見大西洋沿革草類

後漢書安息國居和犢城去洛陽二萬五千里北與康居接南與烏弋山離接地方數千里小城數百戶口勝

兵最爲殷盛其東界木鹿城號爲小安息去洛陽二萬

里章帝章和元年遣使獻獅子符拔符拔形似麟而無

角和帝永元九年都護班超遣甘英使大秦抵條支臨

大海欲度而安息西界船人謂英曰海水廣大往來者

逢善風三月乃得度若過遲風亦有二歲者故入海人

皆齋三歲糧海中善使人思土戀慕數有死亡者英聞

之乃止

案大秦與條支止隔地中海海長雖萬餘里僅廣二三千

里順風對渡數日可至安有此阻難之理此西夷憚手護送又貪漢使財物恐其西通大秦自相貿易則己國不得壟斷其利故爲此誕妄恐喝之詞也至魏書

始破其妄十三年安息王滿屈復獻獅子及條支大

海國圖志卷之八十四南洋
鳥時謂之安息雀自安息西行三千四百里至阿蠻國
從阿蠻西行三千六百里至斯賓國從斯賓南行度河
又西南至于羅國九百六十里安息西界極矣自此南
乘海乃通大秦其土多海西珍奇異物焉

後漢書自皮山西南經烏秣涉懸度歷罽賓六十餘日
行至烏弋山離國地方數千里時改名排持復西南馬
行百餘日至條支條支國城在山上周回四十餘里臨
西海海水曲環其南及東北三面路絕唯西北隅通陸
道土地暑濕出師子犀牛封牛孔雀大雀大雀其卵如

甕轉北而東復馬行六十餘日至安息後役屬條支爲
置大將監領諸小城焉

魏書安息在葱嶺西都蔚搜城北與康居西與波斯相
接在大月氏西

隋書安國漢書安息國也王姓昭武與康國王同族都
那密山南城有五重環以流水宮殿皆爲平頭煬帝初
遣杜行滿至其國又烏那曷國都烏澹水西舊安息之
地王姓昭武康國種類東北去安國四百里西北去穆
國二百餘里東去瓜州七千五百里穆國都烏澹河西

亦安息故地與烏那曷為鄰其王姓昭武亦康國種類
東北去安國五百里東去烏那曷二百餘里西去波斯
國四千餘里東去瓜州七千七百里

波斯昔回教非佛教矣別見巴杜阿丹兩國沿革

唐書以後安息改名大食條支改名

魏書波斯國都宿利城在忸密西古條支國也城方十
里河經其城中南流出金銀鐵石珊瑚琥珀車渠瑪瑙
多大真珠頗梨瑠璃水晶琴瑟金剛火齊鑲鐵銅錫珠
砂水銀等物氣候暑熱家自藏冰有鳥形如橐駝有兩
翼飛不能高食草與肉亦能噉火神龜中遣使入貢

隋書波斯國都達曷水之蘇蘭城即條支故地西去海
數百里東去穆國四千餘里西北去拂菻四千五百里
東去瓜州萬一千九百里都城方十餘里勝兵二萬餘
乘象而戰妻其姊妹國無死刑或繫排于頸以標之煬
帝遣李昱使波斯尋遣使貢方物

宋史注輦國東距海五千里西至西天竺千五百里

原本作距海五里又天竺上無西字此據文獻通考南至羅蘭二千五百里北至

頓田三千里自古不通中國水行至廣州約四十一萬
一千四百里其國有城七重高七尺南北十二里東西

七里每城相去百步凡四城用磚二城用土最中城以木爲之皆植花果雜木其第一至第三皆民居環以小河第四城四侍郎居之第五城主之四子居之第六城爲佛寺百僧居之第七城卽主之所居室四百餘區所統有三十一部落其西十二其南八其北十二今國主相傳三世矣民有罪卽命侍郎一員處治之輕者繫於木格笞五十至一百重者卽斬或以象踐殺之其宴則國主與四侍郎膜拜于階遂其坐作樂歌舞不飲酒而食肉

案回教食牛羊肉不飲酒

俗衣布亦有餅餌掌饌執事用婦人

其嫁娶先用金銀指環越諾布及女所服錦衣遺壻若男欲離女則不取聘財女却男則倍償之其兵陣用象居前小牌次之梭槍次之長刀又次之弓矢在後四侍郎分領其衆國東南約二千五百里有悉蘭池國或相侵伐地產眞珠象牙珊瑚頗黎檳榔豆蔻吉貝布獸有山羊黃牛禽有山雞鸚鵡果有餘甘藤羅干年棗椰子甘羅崑崙梅婆羅密等花有白末利散絲蛇臍佛桑麗秋青黃碧婆羅瑤蓮蟬紫水蕉之類五穀有綠豆黑豆麥稻地宜竹自昔未嘗朝貢大中祥符八年來貢以盤

奉珍珠碧玻璃升殿布於御坐前降殿再拜離本國舟
行七十七晝夜歷那勿丹山娑里西蘭山至占賓國又
行六十一晝夜歷伊麻羅里山至古羅國國有古羅山
因名焉又行七十一晝夜加歷八山占不牢山舟寶龍
山至三佛齊國又行十八晝夜度蠻山水口歷天竺山
至賓頭狼山望東西王母塚距舟所將百里又行二十
晝夜度羊山九星山至廣州之琵琶洲離本國凡千一
百五十日至廣州焉凡宴賜恩例同龜茲使明道二年
表進珍珠衫帽真及珠一百五兩象牙百株自言數朝

貢而海風破船不達願將上等珠就龍牀脚撒殿頂戴
瞻禮以申嚮慕之心乃奉銀盤升殿跪撒珠于御榻下
而退

宋史層檀國在南海傍城距海二十里熙寧四年始入
貢海道使風行百六十日經勿巡古林三佛齊國乃至
廣州傳國五百年十世矣人語音如大食地春冬暖貴
人以越布纏頭

案此卽白帽回亦曰纏頭回

服花錦白氎布出入乘

象馬有奉祿其法輕罪杖重罪死穀有稻粟麥食有魚
畜有綿羊山羊沙牛水牛橐駝馬犀象藥有木香血竭

沒藥鵬砂阿魏薰陸產眞珠玻璃密華三酒交易用錢
官自鑄三分其齊金銅相半而銀居一分禁民私鑄元
豐六年使再至神宗念其絕遠詔頒賚如故事仍加賜
白金二千兩

坤輿圖說阿爾母斯其地悉是鹽及硫磺草木不生鳥
獸絕跡人著皮履遇雨過履底一日輒敗多地震氣候
極熱須坐卧水中沒至口方解絕無淡水勺水皆從海
外載至因居三大洲之中富商大賈多聚此地百貨駢
集人煙輻輳凡海內珍奇難致之物輒往取之

源案明
史作忽

魯謨斯又南懷仁圖中有阿爾母河職方外紀則作阿
爾謨海與西紅海相對其兩海汊而阿丹回國則夾于
二海汊之間蓋歐羅巴洲之貨由地中海來者皆在此
過載駁陸再下南洋海面亞細亞洲南洋之貨亦至此
入內河分赴
彼二州也

明史祖法爾國自古里西北放舟順風十晝夜可至永
樂十九年遣使偕阿丹刺撒諸國入貢命鄭和齎璽書
賜物報之宣德正統屢貢其國東南大海西北重山天
時常若八九月五穀蔬果諸畜咸備人體頎碩王及臣
民悉奉回回教婚喪亦遵其制多建禮拜寺遇禮拜日
市絕貿易男女長幼皆沐浴更新衣以薔薇露或沉香

油拭面焚沉檀俺八兒諸香土鑪人立其上以薰衣然
後往拜所過街市香經時不散天使至詔書開讀訖其
王遍論國人盡出乳香血竭蘆薈沒藥蘇合油安息香
諸物與華人交易乳香乃樹脂其樹似榆而葉尖長土
人斫樹取其脂爲香有駝雞頸長類鶴足高三四尺毛
色若駝行亦如之常以充貢

案地產駝雞知爲安息
大食境入故之西印度

又曰忽魯謨斯西洋大國也自古里西北行三十五日
可至永樂十年天子以西洋近國已航海貢琛稽顙闕
下而遠者猶未賓服乃命鄭和齎璽書往撫忽魯謨斯

比刺溜山孫刺諸國賜其王錦綺綵帛紗羅妃及大臣
皆有賜至忽魯謨斯王卽遣陪臣奉金葉表貢馬及方
物十二年至京師命禮宮賜宴酬以馬直比還賜王及
妃以下有差自是凡四貢和亦再使後朝使不去其使
者亦久不來宣德五年復遣和宣詔其國乃遣使來貢
八年至京師宴賜有加正統元年附瓜哇舟還國嗣後
遂絕其國居西海之極自東南諸蠻邦及大西洋商舶
西域賈人皆來此貿易故寶貨填溢氣候有寒暑春發
葩秋隕葉有霜無雪多露少雨土瘠穀麥寡然他方轉

海國圖志卷之八十四南洋
輸多價極賤民富俗厚或遭禍致貧衆皆遺以錢帛其
振業之王及臣下俱回回人婚喪悉用其禮人多白晳
豐偉婦女出則以紗蔽面市列屢肆百物具備惟禁酒
犯者罪至死醫卜技藝皆類中華交易用銀錢書用回
回字王遵其教日齋戒沐浴虔拜者五地多鹹不產草
木牛羊馬駝皆噉魚腊壘石爲屋有三四層者寢處庖
厠及待客之所皆在其上饒蔬果有核桃把聃松子石
榴葡萄花紅萬年棗之屬有大山四面異色一紅鹽石
鑿以爲器盛食物不加鹽而味自和一白土可塗垣壁

一赤土一黃土皆適於用所貢有獅子麒麟駝雞福祿

靈羊常貢則大珠寶石之類

源案西印度諸國皆安息
大食之地故昔產駝雞卽

漢書所謂安息大鳥今閩粵寧波上海洋船多載還內
地其雞高三四尺花冠翠羽其行若駝俗多洋雞者也
但此尙非至大者其本國駝禽高大更倍天方典禮云
駝雞尾長似雞雌者高三尺至七八尺雄者高丈餘背
有肉鞍似駝可乘致遠蹄蒼色張翅甚大具卵如甕可
作器海船難載故罕至云此皆西南洋身大小西洋而
明史謂其國居西洋之極
者鄭和之舟此而返也

北印度沿革

原無今補輯。今克什彌爾古屬賓國即北印度也與西印度皆不屬英

夷其西境之愛烏罕即古大月氏亦與北印度犬牙相錯

又案北印度與鄰境各國有大雪山山界之大雪山山之北則印度河界之其南與中印度亦有大山為界疆域本不難辨後人不審西域記自作紛擾耳

漢書西域傳屬賓國王治循鮮城去長安萬二千二百里不屬都護戶口勝兵多大國也東北至都護治所六千八百四十里東至烏秣國二千二百五十里東北至難兜國九日行西北與大月氏西南與烏弋山離接昔匈奴破大月氏大月氏西君大夏而塞王南君屬賓塞

種分散往往爲數國自疏勒以西北休循捐毒之屬皆
故塞種也屬賓地平溫和有苜蓿雜草奇木檀檳梓竹
漆種五穀葡萄諸果糞治園田地下涇生稻冬食生菜
其民巧雕文刻鏤治宮室織罽刺文繡好治食自金銀
銅錫以爲器市列以金銀爲錢文爲騎馬幕爲人面出
封牛水牛象大狗沐猴孔爵珠璣珊瑚虎魄璧流離它
畜與諸國同自武帝始通屬賓自以絕遠漢兵不能至
其王烏頭勞數剽殺漢使後軍侯趙德使屬賓與其王
陰末赴相失陰末赴鎖琅當德殺副以下七十餘人造

使者上書謝孝元帝以絕域不錄放其使者於縣度絕
而不通成帝時復遣使獻謝罪漢欲遣使者報送其使
杜欽說大將軍王鳳曰屬賓前親逆節惡暴西域故絕
而不通今悔過來而無親屬貴人奉獻者皆行買賤人
欲通貨市買以獻爲名又煩使者送至縣度爲防護寇
害起皮山南更不屬漢之國四五斤候士百餘人五分
夜擊刁斗自守尙時爲所侵盜驢畜負糧須諸國稟食
得以自贍國或貧小不能食或桀黠不肯給擁疆漢之
節餒山谷之間人畜棄捐曠野而不反又歷大頭痛小

頭痛之山赤土身熱之阪令人身熱無色頭痛嘔吐驢畜盡然又有三池盤石阪道陜者尺六七寸長者徑三十里臨崢嶸不測之深行者騎步相持繩索相引二千餘里乃到縣度畜墜未半阬谷盡靡碎人墮執不得相收視險阻危害不可勝言聖王分九州制五服務盛內不求外今遣使者承至尊之命送蠻夷之賈勞吏士之衆涉危難之路非計也使者業已受節可至皮山而還於是鳳白從欽言蜀賓實利賞賜賈市其使數年而一至

案縣度在烏秣西與罽賓隣當在今巴達克山西境乃印度河岸也

後漢書大月底國居藍氏城西接安息四十九日行東去長史所居六千五百三十七里去洛陽萬六千三百七十里戶十萬口四十萬勝兵十餘萬人初月氏爲匈奴所滅遂遷於大夏分其國爲休密雙靡貴霜胘頓都密凡五部翎侯後百餘歲貴霜翎侯邱就卻攻滅四翎侯自立爲王國號貴霜王侵安息取高附地又滅濮達蜀賓悉有其國至其子立復滅天竺置監領月氏自此之後最爲富盛諸國稱之皆曰貴霜王漢本其故號言大月氏云高附國在大月氏西南亦大國也其俗似天

竺而弱易服善賈販內富於財所屬無常天竺屬賓安
息三國強則得之弱則失之而未嘗屬月氏漢書以爲
五翎侯數非其實也後屬安息及月氏破安息始得高
附

魏書大月氏國都盧監氏城在佛敵沙西去代一萬四
千五百里北與蠕蠕接數爲所侵遂西徙都薄羅城去
弗敵沙二千一百里其王寄多羅勇武遂興師越大山
南侵北天竺自乾陀羅以北五國盡役屬之世祖時其
國人商敗京師自云能鑄石爲五色琉璃於是採礦山

中於京師鑄之既成光澤乃美於西方來者乃詔爲行
殿容百餘人光色映徹觀者見之莫不驚駭以爲神明
所作自此中國瑠璃遂賤人不復珍之○阿鈎羗國在
莎車西南去代一萬三千里國西有縣度山其間四百
里中往往有棧道下臨不測之淵人行以繩索相持而
度因以名之士有五穀諸果市用錢爲貨居止立宮室
有兵器土出金珠

一統志漢書稱烏秬國西有縣度魏書則以權于摩國卽漢之烏秬而縣

度在阿鈎羗國之西考阿鈎羗去權于摩止三千里境壤毗連蓋漢烏秬國至魏分而爲二其在今則皆屬達克山西北者地勢正令波路與布魯音近其爲布魯特部

無上知○小月氏國都富樓沙城其王本大月氏王寄多羅子也寄多羅爲匈奴所逐西徙後令其子守此城因號小月氏焉在波路西南去代一萬六千六百里先居西平張掖之間被服頗與羌同其俗以金銀錢爲貨隨畜牧移徙亦類匈奴其城東十里有佛塔周三百五十步高八十丈自佛塔初建計至武定八年八百四十二年所謂百丈佛圖也○罽賓國都善見城在波路西南去代一萬四千二百里居在四山中其地東西八百里南北三百里地平溫和有苜蓿雜草奇木檀槐紫竹種五

穀糞園田地下濕生稻冬食生菜其人王巧雕文刻鏤織罽有金銀銅錫以爲器物市用錢他畜與諸國同每使朝獻○嚙噠國大月氏之種類也亦曰高車之別種其原出於塞北自金山而南在于闐之西都馬許水南二百餘里去長安一萬一百里其王都拔底延城蓋王舍城也其城方十里餘多寺塔皆飾以金風俗與突厥畧同其語與柔然高車及諸胡不同衆可十萬無城邑依隨水草能鬥戰西域康居于闐沙勒安息及諸小國三十許皆役屬之號爲大國與柔然婚姻自太安以後

每遣使朝貢初熙平中肅宗遣王伏子統宋雲沙門法

力等使西域訪求佛經時有沙門慧生者亦與俱行正

光中還慧生所經諸國不得知其本末及山川里數蓋

舉其畧云其國去漕國千五里去瓜六千五百里

一統志今

愛烏罕為葱嶺西南大國漢書所云南道踰葱嶺則出

大月氏與今愛烏罕適合魏嚧噠隋挹怛昔月氏總類

其所載都馬許水南及烏許水南蓋字畫之傳訛漢書

稱其者媯水烏許與媯其音固相近是嚧噠挹怛之與

月氏同為一地○鉢和國在渴槃陁西其土尤寒人畜

皆愛烏罕境也同居穴地而處又有大雪山望若銀峯有二道一道西

行向嚧噠一道西南趣烏萇亦為嚧噠所統○賒彌國

在波知之南山居不信佛法專事諸神亦附嚧噠東有

鉢盧勒國路險緣鐵鎖而度下不見底熙平中宋雲等

竟不能達○烏萇國在賒彌南北有葱嶺南至天竺婆

羅門胡為其上族婆羅門多解天文吉凶之數其王動

則訪決焉土多林果引水灌田豐稻麥事佛多諸寺塔

事極華麗為法不殺犯死罪唯徙于靈山西南有檀持

山山上立寺以驢數頭運食山下無人控御自知往來

也○乾陁國在烏萇西本名業波為嚧噠所破因改焉

其王本是勅勒臨國民二世矣好征戰與罽賓國鬥三

海國圖志卷之八 西南洋
年不罷人怨苦之有鬥象七百頭十人乘一象皆執兵
仗象鼻縛刀以戰所都城東南七里有佛塔高七十丈
周三百步卽所謂雀離佛圖

新唐書吐火羅或曰土豁羅曰覩貨羅元魏謂吐呼羅
者居葱嶺西烏澹河之南古大夏地與挹怛雜處勝兵
十萬國土著少女多男北有頗黎山其陽穴中有神焉
國人游牧牝于側生駒輒汗血其王號葉護武德貞觀
時再入獻永徽元年獻大鳥高七尺色黑足類橐駝翅
而行日二三百里能噉鐵俗謂駝鳥顯慶中以其阿緩城

爲月氏都督府析小城爲二十四州挹怛國漢大月氏
之種大月氏爲烏孫所奪西過大宛擊大夏臣之治藍
氏城大夏卽吐火羅也嚙噠王姓也後裔以姓爲國訛
爲挹怛俗類突厥天寶中遣使朝貢俱蘭或曰俱羅弩
曰屈浪擊與吐火羅接壤地三千里南大雪山北俱魯
河出金精琢石取之貞觀二十年遣使者來獻書辭類
浮屠語劫國居葱嶺中西南距賒彌西北挹怛也去京
師萬二千里氣常熱有稻麥粟豆畜羊馬武德二年遣
使者獻寶帶玻璃水精栝越底延國南三千里距天竺

西北千里至賒彌東北五千里至瓜州居辛頭水之北
其法不殺人重罪流輕罪放無租稅俗翦髮被錦袍貧
者白氎自澡潔氣溫多稻米石密

此國非北印度而與北印度昆連故先迷

新唐書箇失密或曰迦涇彌羅北距勃律五百里環地
四千里山回繚之他俗無能攻伐王城西瀕彌那悉多
大河地宜稼多雪不風出火珠鬱金龍種馬俗毛褐世
傳地本龍池龍徙水竭故往居之開元初遣使者朝獻
胡藥且言有國以來並臣天可汗受調發國有象馬步

三種兵臣身與中天竺王阇吐蕃五大道禁出入戰輒
勝有如天可汗兵至勃律者雖衆二十萬能輸糧以助
又國有摩訶波多磨龍池願爲天可汗營祠因禹王冊
冊木多筆爲王自是職貢有常其役屬五種亦名國所
謂咀叉始羅者地二千里有都城東南餘七百里得僧
訶補羅地三千餘里亦治都城東南山行五百里得烏
刺尸地二千里有都城宜稼穡東南限山千里卽箇失
密西南行險七百里得半笈蹉地二千里又得曷邏闐
補羅者其大四千里有都城多山阜人驍勇五種皆無

君長云
新唐書蜀賓隋漕國也居葱嶺南距京師萬二千里而
羸南距舍衛三千里王居修鮮城常役屬大月氏地暑
濕人乘象俗治浮屠法武德二年遣使貢寶帶金鎖水
精醖頗黎貞觀中獻名馬遣果毅何處羅拔等厚齎賜
其國并撫尉天竺處羅拔至罽賓王東向稽首再拜仍
遣人導護使者至天竺顯慶三年以其地修鮮爲都督
府開元七年遣使獻天文秘方竒藥罽賓及烏菴國王
乾元初使者朝貢

西域見聞錄克什米爾回子一大國也

案宋史曰迦濕彌勒國元經世

地理圖曰乞石迷耳英夷地
圖曰夾氏米里皆字異音同

葉爾羌西南馬行六十餘

日可至其國中隔一冰山人畜至此須土人駝率而過
其險尤甚于未素達阪其人深目高鼻黃睛多鬚衣圓
領窄袖無髮辮飲食尤多禁忌禮拜尤虔語言強半可
通稱其君曰汗所屬回衆近百戶城池周三十餘里時
序平和冬無嚴寒夏無酷暑地土饒沃產名香白檀紫
降人多奇巧精於關捩之術能於山麓起樓引水逆上
自樓後倒瀉前擔如水晶之簾善貨販興利江河之水


多通海洋俗尚宴會喜歌舞天時和正山水娟秀溫都
斯坦之富商多有家于其地者椿園氏曰嘉峪關外多
流沙間有水泉卽回人聚居之所餘皆戈壁蓋西萬里
逾布路特之境莫不皆然雪山之陽沙石兀突怪惡不
生草木至克什米爾以西以南時旣清淑山川秀麗別
有天地矣而溫都斯坦各國極熱多雨無霜雪一切飛
潛動植與中國之閩廣無異豈以其近海之故歟人習
工巧製造亦詭異精竒且多術南宮蛙虬之法五通青
蛙之類往往而有焉

案此所云克什米爾之雪山卽唐
元裝西域記北印度之太雪山也

○統志巴勒提在博洛爾之南痕都斯坦之東其貢道
由回都以達於京師其地與痕都斯坦鄰接國俗亦
大畧相似蓋漢唐時屬賓國近東屬境也其部羣山近
接中有長河其境有土伯特札穆巴克什米爾諸地分
兩部落其酋長默默帕爾及烏蘇完分統之各有衆八
千餘人舊在葉爾羌貿易乾隆二十五年西域旣平其
酋長請內附自此通市不絕

源案博羅爾巴勒提近溫
都斯坦之東北巴達克山

之東南以唐西域記考之當爲畢
迦試國過此而南卽北印度矣



Faint vertical text columns on the right side of the page, likely bleed-through from the reverse side of the leaf. The text is illegible due to fading.

